

14  
1544  
129





14  
1544  
129

全五代詩卷三十五

羅江李調元雨村 編

南唐

李 中 四

壬申歲承命之任淦陽再過廬山國學感舊寄劉鈞  
三十年前共苦辛囊螢曾寄此煙岑讀書燈暗嫌雲重  
搜句石平憐蘚深各歷宦途悲聚散幾看時輩或浮沈  
再來物景還依舊風冷松高瘦欲吟

和胸陽戲筆魯俗見寄

燕臺多事每開顏  
論交淡薄情欲興共憶芳草岍

李中 四



全五代詩卷三十五

羅江李調元雨村編

南唐

李中

壬申歲承命之任淦陽再遇廬山國學感舊寄劉鈞  
三十年前共苦辛囊螢曾寄此煙岑讀書燈暗嫌雲重  
搜句石平憐蘚深各歷宦途悲聚散幾看時輩或浮沈  
再來物景還依舊風冷松高猿狖吟

和胸陽載筆魯裕見寄

燕臺多事每開顏相許論交淡薄間飲興共憐芳草岬



吟情同愛夕陽山露濃小徑蛩聲咽月冷空庭竹影閑  
何事此時攀憶甚與君俱是別鄉關

海上太守新勑東亭

使君心智杳難同選勝開亭景莫窮高敞軒窓迎海月  
預栽花木待春風靜披典籍堪師古醉擁笙歌不礙公  
滿徑苔紋疎雨後入簷山色夕陽中偏宜下榻延徐孺  
最稱登門禮孔融事簡豈妨頻賞翫况當為政有餘功

劍客

恩酬期必報豈是輒輕生神劍冲霄去誰為平不平

鶴

驚露精神異冲天羽翼新千年一歸日誰識令威身

途中柳

翠色晴來近長亭路去遙無人折煙縷落日拂溪橋

隔墻花

顏色尤難近馨香不易通朱門金鎖隔空使怨春風

感事呈所知

競愛松筠翠皆憐桃李芳如求濟世廣桑柘願商量

貽青陽宰

徵賦常登限名山管最多吏閑民訟少時得訪煙蘿

梅花



羣木方憎雪開花長在先流鶯與舞蝶不見許因緣  
柳絮

年年二月暮散乳雜飛花雨過微風起狂飄千萬家  
早春

一種和風至千花未放妍草心并柳眼長是被恩先  
春雲

陰去為膏澤晴來媚曉空無心亦無滯舒卷在東風  
客中春思

又聽黃鳥綿蠻目斷家鄉未還春水引將客夢悠悠遶  
遍關山

所思

門掩殘花寂寂簾垂斜月悠悠縱有一庭萱草何曾與  
代忘憂

燕

豪家五色泥香銜得營巢太忙喧覺佳人晝夢雙雙猶  
在雕梁

鶯

羽毛特異諸禽出谷堪聽好音薄暮欲棲何處雨昏楊  
柳深深

訪洞神宮邵道者不遇



閑來仙觀問希夷  
雲滿星壇水滿池  
羽客不知何處去  
洞前花落立多時

贈別

行杯酌罷歌聲歇  
不覺前汀月又生  
自是離人魂易斷  
落花芳草本無情

送劉恭遊廬山兼寄令上人

松桂煙霞蔽梵宮  
詩流閑去訪支公  
石堂磬斷相逢夜  
五老月生谿影空

春夕偶作

早是春愁觸目生  
那堪春夕酒初醒  
貫珠聲罷人歸去

半落桃花月在庭

子規

暮春滴血一聲聲  
花落年年不忍聽  
帶月莫啼江畔樹  
酒醒遊子在離亭

春日書懷

千峰雪盡鳥聲春日永  
孤吟野水濱  
霄漢路岐昇未得  
花時空拂滿衣塵

所思代人

巫峽雲深湘水遙  
更無消息夢空勞  
夢迴深夜不成寐  
起立閑庭花月高



送仙客

危言危行是男兒倚伏相牽豈足悲莫向汀洲時獨立  
悠悠斜日照江蘿

柳二首

春來無樹不青青似共東風別有情閑憶舊岩滄水畔  
數枝煙雨屬啼鶯

最愛青青水國中莫愁門外間花紅纖纖無力勝春色  
撼起啼鶯恨晚風

秋夕書懷

功名未立誠非晚骨肉分飛又入秋枕上不堪殘夢斷

壁蛩窻月夜悠悠

感興

休渭水興周日龍起南陽相蜀時不遇文王與先主  
經天才業擬何為

春曉

殘燭猶有月尚明幾家幃幌夢魂驚星河漸沒行人動  
歷歷林梢百舌聲

都下寒食夜作

香塵未歇暝煙收城滿笙歌事勝遊自是離人睡長早  
千家簾卷月當樓



對竹

懶穿幽徑衝鳴鳥  
忍踏清陰損翠苔  
不似閉門欹枕聽  
秋聲如雨入軒來

經廢宅

一夢奢華去不還  
斷墻花發豈堪看  
玉纖素縷知何處  
金井梧枯碧甃寒

溪邊吟

鷓鴣雙飛下碧流  
蓼花蘋穗正含秋  
茜裙二八採蓮去  
笑衝微雨上蘭舟

憶溪居

竹軒臨水靜無塵  
別後鳧鷖入夢頻  
杜若菰蒲煙雨歇  
一溪春色屬何人

登下蔡縣樓

長涯煙水又含秋  
吏散時時獨上樓  
信斷蘭臺鄉國遠  
依稀王粲在荊州

春閨辭

塵昏菱鑑懶修容  
雙臉桃花落盡紅  
玉塞夢歸殘燭在  
曉鶯窗外轉梧桐  
邊無音信暗消魂  
茜袖香裙積淚痕  
海燕歸來門半掩  
悠悠花落又黃昏



離家

送別人歸春日斜獨鞭羸馬指天涯月生江上鄉心動  
投宿物忙近酒家

村行

極日青青壠麥齊野塘波濶下鳧鷖陽鳥景暖林桑密  
獨立閑聽戴勝啼

宮詞二首

門鎖簾垂月影斜翠華咫尺隔天涯香鋪羅幌不成夢  
背壁銀缸落盡花

金波寒透水精簾燒盡沈檀手自添風遞笙歌門已掩

翠華何處夜厭厭

採蓮女

晚涼含笑上蘭舟波底紅妝影欲浮陌上少年休植足  
荷香深處不回頭

鍾陵春思

沈沈樓影月當午冉冉風香花正開芳草迢迢滿南陌  
王孫何處不歸來

夏日書依上人壁

門外塵飛暑氣濃院中蕭索似山中最憐煮茗相留處  
疎竹當軒一榻風



捧宣頭許歸侍養

泥書捧處聖恩新許覲庭闈養二親  
蝼蟻至微寧足數未知何處答穹昊

途中作

逢舊識聞老親  
所患不至加甚

烟波涉歷指家林欲到家林懼却深得信  
慈親痾瘵減當時寬勉採蘭心

春苔

春霖催得鎖煙濃竹院莎齋徑小通  
誰愛落花風味處莫愁門巷襯殘紅

夏雲

如峰形狀在西郊未見從龍上  
汶寥多謝好風吹起後化為甘雨濟田苗

書夏秀才幽居壁

水巷苔深戶半開牀頭書劍積塵埃  
最憐小檻疏篁晚幽鳥雙雙何處來

紅花

紅花顏色掩千花任是猩猩血未加  
染出輕羅莫相貴古人崇儉誠奢華

贈念法華經綬上人

五更初起掃松堂瞑目先焚一炷香  
念徹蓮經誰得見

全五代詩

卷五

南唐



千峰巖外曉蒼蒼

秋日途中

信步騰騰野岬邊  
離家都為利名牽  
踈林一路斜陽裡  
颯颯西風滿耳蟬

宿韋校書幽居

溪上高眠與鶴閑  
開樽留我待柴關  
園林月白秋霖歇  
一夜泉聲似故山

酒醒

睡覺花陰芳草軟  
不知明月出牆東  
杯盤狼籍人何處  
聚散空驚及夢中

送虞道士

烟霞聚散通三島  
星斗分明在一壺  
笑說餘杭沽酒去  
蔡家重要會麻姑

鍾陵禁煙寄從弟

落絮飛花日又西  
踏青無侶草萋萋  
交親書斷竟不到  
忍聽黃昏杜宇啼

夜泊江渚

水鄉明月上晴空  
汀島香生杜若風  
不是當年獨醒客  
且沽村酒待漁翁

蛩



月冷莎庭夜已深  
百蟲聲外有清音  
詩情正苦無眠處  
愧爾堦前相伴吟

感秋書事

宦途憔悴雪生頭  
家計相牽未得休  
紅蓼白蘋消息斷  
舊溪煙月負漁舟

訪廬山歸禪伯

沉沉石室踈鍾後  
寂寂莎池片月明  
多少學徒求妙法  
要於言下悟無生

廬山棲隱洞譚先生院留題

壇畔歸雲冷濕襟  
拂苔移石坐花陰  
偶然醒得莊周夢

始覺元門興味深

江行值暴風雨

風狂雨暗舟人懼  
自委神明志不邪  
投得葦灣波浪息  
岬頭煙火近人家

杪秋夕吟懷寄宋維先輩

江島窮秋木葉稀  
月高何處搗寒衣  
苦嗥不見登龍客  
此夜悠悠一夢飛

七夕

星河耿耿正新秋  
絲竹千家列綵樓  
可惜穿針方有興  
纖纖初月苦難留

五代詩

卷五

南唐

十



春日招宋維先輩

甕中竹葉今朝熟  
鑑裏桃花昨日開  
為報廣寒攀桂客  
莫辭相訪共銜杯

吹笛兒

隴頭休聽月明中  
妙竹嘉音際會逢  
見爾樽前吹一曲  
令人重憶許雲封

所思

解珮當時在洛濱  
悠悠疑是夢中身  
自從物外無消息  
花謝鶯啼近十春

吉水縣酬夏侯秀才見寄

啟鑑悠悠兩鬢蒼  
病來心緒易淒涼  
知音不到吟還懶  
鑲印開簾又夕陽

和潯陽宰感舊絕句五首

追感古今情不已  
竹軒閑取史書看  
欲親往哲無因見  
空樹臨風襟袖寒

潯陽物景真難及  
練馮澄江最好看  
曾上虛樓吟倚檻  
五峰擎雪照人寒

園林春媚千花發  
爛熳如將畫障看  
惟愛松筠多冷淡  
青青偏稱雪霜寒

知君百里鳴琴處  
公退千山盡日看  
政化有同風偃草



更將餘力拯孤寒

昔歲尋芳所得侶江堤物景盡情看就中吟戀垂楊下  
撼起啼鶯晚吹寒

泊秋浦

葦岬風高宿雁驚維舟特地起鄉情漁兒隔水吹橫笛  
半夜空江月正明

漁父二首

偶向蘆花深處行溪光山色晚來晴漁家開戶相迎接  
稚子爭窺犬吠聲

雪鬢哀髯白布袍笑携頰鯉換村醪殷勤留我宿溪上

釣艇歸來明月高

旅次聞砧

砧杵誰家夜搗衣金風淅淅露微微月中獨坐不成寐  
舊業經年未得歸

思胸陽春遊感舊寄柴司徒五首

王孫昔日甚相親共賞西園正媚春醉臥如茵芳草上  
覺來花月影籠身

烟鋪芳草正綿綿藉草傳杯似列仙暫輟笙歌且聯句  
含毫花下破香牋

南陌風和舞蝶狂惜春公子戀斜陽高歌飲罷將迴轡



衣上花兼百草香

春郊飲散暮煙收  
却引絲簧上翠樓  
紅袖歌長金管乳  
銀蟾飛出海東頭

昔年常接五陵狂  
洪飲花間數十場  
別後或驚如夢覺  
音塵難問水茫茫

放鷺鷥

池塘多謝久淹留  
長得霜翎放自由  
好去蒹葭深處宿  
月明應認舊江秋

叙吟二首

往哲搜羅妙入神  
隋珠和璧未為珍  
而今所得慙難繼

謬向平生著苦辛

成僻成魔二雅中  
每逢知己是亨通  
言之無罪終難厭  
欲把風騷繼古風



外風刺... 卷中... 羅江李調元雨村

全五代詩卷三十六

羅江李調元雨村 編

南唐

張 佖

佖字子澄常州人仕南唐為考功員外郎累官

至內史舍人歸宋官虞部郎中卒

不復觀精神疑一夜必夢之嘗寄詩云酷憐風月為多情還到春時別  
恨生倚柱尋思倍惆悵一場春夢不分明又有句云多情只有春庭月  
猶為離人照落花浣衣計無所出流淚而已又有句云多情只有春庭月  
堂曉又還丁香結夢水潺潺不知雲雨歸何處慙慙空流十二山又詞  
云獨立寒階望月華露濃香泛小庭花繡屏愁背一燈斜雲雨自從分  
散後人間無路到仙家但憑魂夢訪天涯想皆為浣衣作 全唐詩錄  
後主壬申歲佖知貢舉試天雞弄和風佖但以文選中詩句為題未嘗  
詳究有進士白云爾雅翰天雞翰天雞未知孰是佖大驚不能對亟取

全五代詩

卷三十六

南唐



爾雅檢一在釋蟲一在釋鳥一因自失放進士三人學上張洎言  
 必多遺復命泊試放五人金陵破後主以歲金私遺近臣辨裝必得金  
 二百詣曹彬陳首請奏其事彬薄之以金輸官而不以聞 十國春秋  
 太宗朝必在史館一日問曰卿家每食多客叙談何事必曰臣之親舊  
 客都下乏食故嘗置飯然止菜羹而已明日太宗遣快行者伺之果  
 然喜其不隱遷官即中人稱菜羹張家必為人長者後官河南每寒食  
 必親拜後主墓哭之甚哀李氏子孫陵替常不俸贍給焉 按同時有  
 張必淮南人為向容縣尉憤國事日非上書數千言極諫後主不納非  
 此必也他書誤  
 作一人者非

春晚謠

雨微微烟霏霏小庭半折紅薔薇  
 鈿箏斜倚畫屏曲零落幾行金鴈飛  
 蕭關夢斷無尋處萬疊春波起南浦  
 凌亂楊花撲繡簾晚意時有流鶯語  
 所思

空塘水碧春雨微東風散漫楊柳飛  
 依依南浦夢猶在脈脈高唐雲不歸  
 江頭日暮多芳草極目傷心烟悄悄  
 隔江紅杏一枝明似玉佳人俯清沼  
 休向春臺更迴望銷魂自古因惆悵  
 銀河碧海共無情兩處悠悠起風浪  
 春江南

雨溟溟風泠泠老松瘦竹臨煙汀  
 空江冷落野雲重村中鬼火微如星  
 夜驚溪上漁人起滴瀝蓬聲滿愁耳  
 子規叫斷獨未眠崖岸春濤打船尾

送容州中丞赴鎮

交趾同星坐龍泉佩斗文燒香翠羽  
 帳看舞謁金裙鷁



首衝瀧浪屏渠拂嶺雲莫教銅柱北祇說馬將軍

碧戶

碧戶高魚鑠蘭窗掩鏡臺落花疑悵望歸燕自裴迴詠  
絮知難敵傷春不易裁恨從芳草起愁為晚風來衣惹  
湘雲薄眉分楚岫聞香濃眠舊枕夢好醉春盃小障明  
金鳳幽屏點翠苔寶箏橫塞鴈怨笛落江梅卓氏仍多  
酒相如正富才莫教琴上意翻作鶴聲哀

洞庭阻風

空江浩蕩景蕭然盡日菰蒲泊釣船青草浪高三月渡  
綠楊花撲一溪烟情多莫舉傷春日愁極兼無買酒錢

猶有漁人數家住不成村落夕陽邊

春日旅泊桂州

暖風芳草竟芊綿多病多愁負少年弱柳未勝寒食雨  
好花爭奈夕陽天溪邊物色堪圖畫林畔鶯聲似管弦  
猶有離人開淚眼強憑杯酒亦潸然

晚次湘源縣

煙郭遙聞向晚鷄水平舟靜浪聲齊高林帶雨楊梅熟  
曲岸籠雲謝豹啼二女廟荒汀樹老九疑山碧楚天低  
湘南自古多離怨莫動哀吟易悵悵

惆悵吟



秋風丹葉動荒城慘澹雲遮日半明  
晝夢却因惆悵得晚愁多為別離  
生江淹彩筆空留恨莊叟元譚未及情  
千古怨魂銷不得一江寒浪若為平

秋晚過洞庭

征帆初挂酒初酣暮景離情兩不堪  
千里晚霞雲夢北一洲霜橘洞庭南  
溪風送雨過秋寺碣石驚龍落夜潭  
莫把羈魂弔湘魄九疑愁絕鎖煙嵐

題華嚴寺木塔

六街晴色動秋光雨霽憑高只易傷  
一曲晚煙浮渭水半橋斜日照咸陽  
休將世路悲塵事莫指雲山認故鄉

回首漢宮樓閣暮教聲鐘鼓自微茫

春夕言懷

風透疎簾月滿庭倚欄無事倍傷情  
煙垂柳帶緜腰軟露滴花房怨臉明  
愁逐野雲銷不盡情隨春浪去難平  
幽窗漫結相思夢欲化西園蝶未成

芍藥

香清粉澹怨殘春蝶翅蜂鬚戀蕊塵  
閒倚晚風生悵望靜留遲日學因循  
休將薜荔為青瑣好與玫瑰作近鄰  
零落若教隨暮雨又應愁殺別離人

邊上



戍樓吹角起征鴻  
獵獵寒旌背晚風  
千里暮煙愁不盡  
一川秋草恨無窮  
山河慘澹關城閉  
人物蕭條市井空  
只此旅魂招未得  
更堪回首夕陽中

長安道中蚤行

客離孤館一燈殘  
牢落星河欲曙天  
雞唱未沈函谷月  
鴈聲新度灞陵烟  
浮生已悟莊周蝶  
壯志仍輸祖述鞭  
何事悠悠策羸馬  
此中辛苦過流年

惜花

蝶散鶯啼尚數枝  
日斜風定更離披  
看多記得傷心事  
金谷樓前委地時

寄人

別夢依依到謝家  
小廊迴合曲闌斜  
多情只有春遊月  
猶為離人照落花

鄭文寶

文寶字仲賢寧化人  
彥華之子仕南唐校書郎  
歷官宋兵部員外郎  
所著有南唐近事江表志

談苑

寒夜錄律詩多佳句惜其全集不傳郊居云百草千花路  
斜風細雨天送枝江秦長官云官嫌容易達家愛寺閑

貧送曹緯

云小舟聞笛夜微雨卷花天長安別友云杜助花香濃  
似酒灞陵春色老于人不減王維杜甫東都事畧文寶以詩名

家多警言善篆工琴十國春秋歸宋後詔故臣皆許錫用獨文  
寶不肯言仕後主奉朝請禁絕賓謁文寶乃披蓑荷笠作賣  
魚者以見寬警久之後主為之感歎後主卒乃仕其過維山  
及題綠野堂為晏殊歐陽修所膾炙西清詩話維氏王子晉



昇仙之地有祠在馬鄭工部文寶題一絕云云後是安元猷守洛陽見之取白樂天語書其後云此詩在處有神物護持 皇朝類苑文寶有經貶所云過開巴羅標馬誤端猶論顧免屏送人歸湖中云滿帆西日催行客一夜東風落楚梅俱為人傳誦 蔡寬夫詩語歐陽文忠公稱仲賢張僕射園中綠野堂一聯以為集中少比其詩云沙暖鳧鷖行哺子蹊深桃李卧開花

送曹緯劉昂二秀才

旦夕春風老離心共黯然小舟聞笛夜微雨卷花天手  
筆人皆有曹劉世所賢柳侯重才子從此看鶯遷

送枝江秦長官罷秩

衆論才名外親人似故人官嫌容易達家愛寺閒貧解  
印詩權在移風澤國春政聲誣不得慙見數鄉民

寒食訪僧

客舍愁經百五春雨餘溪寺綠無塵金花开處鞦韆鼓  
粉頰誰家鬪草人水上碧桃流片段梁間新燕語逡巡  
高僧不飲客攜酒來勸先朝放逐臣

郢城新亭

每到新亭即厭歸野香經雨長松圍四簷山色消繁暑  
一局碁聲下翠微冰片角巾簪澗月錦文卷石砌苔磯  
近來學得籠中鶴迴避流鶯笑不飛

溫泉

潺湲如燎嶺雲陰玉石魚龍換古今只見開元無事久  
不知貞觀用功深籠無解語衣無雪堆有黃沙粟有金



惆悵孤雛負恩澤始允夸甫未經心

讀江總傳

行人慵過景陽宮宮畔離離禾黍風連玉有花空怨白  
井蓮無步莫愁紅吟詩功業才雄大亡國君臣道最同  
爭忍暮年歸故里綸竿迴避釣魚翁

闕題

亭亭畫舸繫寒潭直到行人酒半酣不管烟波與風雨  
載將離恨過江南

一夜西風旅雁秋背身調鏃索征裘闕山落盡黃榆葉  
駐馬誰家唱石州

江雲薄薄日斜暉江館蕭條獨掩扉梁燕不知人事改  
雨中猶作一雙飛

赴闕日過石子鎮

得罪先朝出粉闈五原功業更誰知年淡放逐無人識  
白雪閑頭一望時

過緱山題王子晉祠

秋陰漠漠秋雲輕緱氏山頭月正明帝子西飛仙馭遠  
不知何處夜吹笙

張洎

洎字師黯改字偕仁滁州全椒人仕南唐知制



誥中書舍人歸宋為史館修撰翰林學士淳化  
中參知政事卒所著有賈氏談錄十國春秋初泊將後  
主命八頁作十詩以  
誦警法京風物至有一堆灰之句蘇易簡得其親書及是與易簡同  
事不相能語人曰清河更作異即以一堆灰之句進言矣泊為少屈  
暮春月內署閣前海棠花盛開率爾七言八韻寄

長春諫議

去歲海棠花發日曾將詩句詠芳妍今來花發春依舊  
君已雄飛玉案前驟隔清塵樞要地獨攀紅藥豔陽天  
疎枝高映銀臺月嫩葉低含綺閣烟花落花开留勝賞  
春來春去感流年清辭早綴巴人唱妙翰猶緘蜀國牋  
共仰壯圖方赫耳自嗟衰鬢轉皤然因馮鶯蝶傳消息

莫忘蓬萊有病仙

秦南運

南運南唐人官尚書郎

清異錄舒雅作青紗連二枕滿貯醱醑木犀  
瑞香散藥甚益鼻根南運留詩云

題青紗連二枕

陰香裝艷入青紗還與歌眠好爭家夢裏卻成三色雨  
沉山不敢鬪青華

舒雅

雅字子正歙人南唐時隨計金陵韓熙載知貢  
舉擢為第一歸宋累遷職方員外郎出守舒州

直昭文館卒

馬令南唐書雅以所學謁韓熙載熙載一見如  
疇昔館之雅性巧點應答如流待之為忘年之



交出八內曾無間然熙載性頗不拘禮法常與雅易服燕戲猿雜侍婢入未念酸以為笑樂或云熙載所著格言半雅之辭細索雜記韓熙載弊衣履作諸者持獨弦琴俾舒雅執板挽之隨房歌鼓求丐以足日膳且暮亦不禁其出入

答劉學士

往歲別京畿樓山與衆違君心似松柏雁足寄珠璣學道情難篤燒丹力尚微雲中雞犬在祇候主人歸

答錢少卿

蓬萊閣下舊鄰居偶別俄驚四載餘每見寒葭思倚玉忽臨秋水得雙魚人間貴賤誰能及物外優閑我自如聞說歸艍向春渚深知不與道情疎

答內翰學士

清貴無過近侍臣多情猶憶舊交親金蓮燭下裁詩句麟角峯前寄隱淪和氣忽飄燕谷暖好風徐起謝庭春緘藏便是山家寶留與兒孫世不貧

王操

操字正美南唐處士入宋上南郊頌授太子洗

馬仕至殿中丞

歷代吟譜王操謂宋國老獻詩送數百緡于鍾陵飲酒數日而盡醉中挂帆數百里

至洛日生灣半醉醒烟雨中登水心寺題詩於壁孫黃葵詩云雅言系述秦使隴右至石濠驛作

村家

野景村家好柴籬夾樹身牧童眠向日山犬吠隨人地僻鄉音別年豐酒味醇風光吟有興桑麥暖逢春



送人南歸

相送當搖落孤舟泛渺瀰去帆看已遠臨水立多時別  
浦寒鴻下空山夜鶴移他年重會面吟鬢共成絲

喜故人至

地僻無賓侶柴門晝始開谿山寒葉落江國故人來舊  
話驚霜鬢論詩滯酒杯相留喜同宿不寐曙光回

塞上

無定河邊路風高雪灑春沙平寬似海鷗遠立如人絕  
域居中土多年息虜塵邊城吹暮角久客自悲辛

上李相公

弱冠登龍入粉闈少年清貴古來稀袖中詔草朝天去  
頭上宮花侍燕歸卓筆玉堂寒漏迴卷簾池館水禽飛  
三台位近猶多遜閑聽秋霖憶翠微

題水心寺壁

分飛南渡春風曉卻返家林舊業空無限離情似楊柳  
萬條垂向楚江東

黃葵

昔年南國看黃葵雲鬢金釵向後垂今日衰容籬落下  
秋風寂寞兩三枝

殷崇義



崇義文圭之子陳州西華人仕南唐官學士為  
司空知左右史事歷樞密使右僕射元宗時淮  
上用兵書檄教誥皆出其手入宋避宣廟諱改

名湯悅入史館預修太平御覽等書十國春秋崇義

寺碑周世宗征淮南駐輦于寺讀其文嗟歎久之一統志

早春寄華下同志

正是花時節思君寢復興市沽終不醉春夢亦無憑  
嶽面懸清雨河心走獨冰東門一條路離恨正相仍

鼎臣學士侍郎以東館庭梅昔翰院之毫末今復  
半枯向時同僚零落都盡素髮垂領茲唯二人感

舊傷懷發於吟咏惠然好我不能無言輒次來韻

憶見萌芽日還憐合抱時舊歡如夢想物態暗還移  
素艷今無幾朱顏亦自衰樹將人共老何暇更悲絲

鼎臣學士侍郎楚金舍人學士以再傷庭梅詩同  
垂寵和清絕感歎情致俱深因成四十字陳謝

人物同遷謝重成念舊悲連華得瓊玖合奏發墳篋餘  
枿雖無取殘芳尚獲知問君何所似珍重杜林詩

奉和聖制送鄧王牧宣城

千里陵陽同峽服鑿門昨土寄親賢曙烟已別黃金殿  
晚照重登白玉筵江上浮光宜雨後郡中遠岫列窓前



天心待報期年政留與工師播管弦

樂史

史字子正撫州宜黃人仕南唐秘書郎入宋太平興國五年復登進士歷水部員外郎使兩浙巡撫判西京留司御史臺卒有仙洞集漫叟詩話

以樂史慈竹詩論蒙謂其有補於教化有云又聞猥然死終不相棄離事見十四道蕃志愛州有此獸似猴而大有仁義行則大者前小者後有為射時中則傷者拔死者箭自刺而死可以人而不如獸乎

鍾山寺

千峰夾一徑一徑花枕泉聽泉復看花行到鍾山前古寺雲生屋高僧月伴禪自慙留一宿匹馬又朝天

龔穎

穎字同秀邵武人初仕南唐為內史歸宋為殿

中侍御史

青箱雜記穎自負文學少許人談論多所折難太宗朝知郎州士罕造其門獨丁謂贊文求見穎倒履延

次韻贈丁謂之

膽怯何由戴鐵冠祗緣昭代獎孤寒曲肱未遂違前志直指無聞是曠官三署每傳朝客說五溪閑凭郡樓看祝君早得文場雋况值天堦正舞干

潘慎修

慎修字德成莆田人仕南唐為秘書省正字歸



宋為太常博士真宗朝累擢翰林侍讀學士有

集

揚文公談苑太宗基品第一待詔有賈元者臻于絕格時人以為王積薪之比元嗜酒病死楊希瓘蔣元吉李應昌朱懷辟皆國手然非元之敵晚有李仲元其藝絕勝可侔于元歲餘亦卒朝士有蔣居中藩慎修亦善基至三品內士陳好元四品多得侍基自元而下皆受三道慎修受四道好元受五道慎修賦詩云如今縱得仙翁術也怯君王四路饒

禁林讌會

紅藥深嚴肅廣庭嘉招仍許廁羣仙忽窺宸翰雲龍動乍揭天辭日月懸散作楷模珍寶惜永刊金石共流傳況當枚馬從容地仍集班揚侍從賢敢竊休明為盛觀願陳風詠播薰弦不辭勝引承歡醉長洽昇平億萬年

陳彭年

彭年字永年撫州南城人仕南唐進士入宋登

為祕書丞直史館翰林學士拜參知政事進兵

部侍郎卒贈右射僕諡文僖著唐紀四十卷江

南別錄若干卷

十國春秋彭年年十三著皇綱經萬餘言為名輩所賞後主聞之召入宮令幼子伴宜與之

遊國老談苑彭年在翰林所兼十餘職皆文翰清秘之日時人謂其署衙為一條水湘山野錄章聖朝中國長公主為尼詔兩禁送於寺各賦詩彭年詩云都下好事者以鷓鴣天曲聲歌之

送中國長公主為尼

畫出花鈿散寶津雲鬟初剪向殘春因驚風燭難留世遂作池蓮不染身貝葉乍翻疑軸錦梵聲纔學誤梁塵從茲豔質歸空後湘浦應無解佩人



刁衍

衍字元賓昇州人仕南唐為集賢校理歸宋授太常寺太祝真宗朝累遷直祕閣兵部郎中有集

代意

蕙時芳夕九迴腸歛袂東窗待曉光秦嶺樹高迷隴塞  
楚天雲淡隔瀟湘病餘公幹情多詠秋晚安仁鬢足霜  
休道鮫人落珠淚微波還擬託陳王

漢武

高宴栢梁詞可仰橫汾蕭鼓樂難窮已教丞相開東閣

猶使將軍誤奏戎洒淚甘泉還有恨祈年仙館惜成空  
誰知辛苦回中道共盡千齡五柞宮

孫元宴

元宴不知何許人

詩話元宴曾著咏史詩專言江左偏安事自吳大帝起至陳後主止附於南唐末

濡須塢

風揭洪濤響若雷枕波為壘險相隈莫言有箇濡須塢  
幾度曹公失志迴

新亭

容易乘虛逼帝畿滿江艘艣與旌旗盧循若解新亭上  
勝負還應未可知

人王五元寺

卷三

南唐

十四



鳥衣巷

古迹荒基好嘆嗟  
滿川吟景只烟霞  
烏衣巷在何人住  
回首令人憶謝家

黃羅襪

戚屬群臣盡見猜  
預憂身後又堪哀  
到頭委付何曾是  
虛把羅襪與彥回

鬱林王

强哀强恻亦從伊  
歸到私庭喜可知  
喜字漫書三十六  
到頭能得幾多時

潘妃

猶使將軍誤犬戎  
洒淚甘泉還有限  
祈年仙館惜成空  
誰知辛苦回中道  
共盡千齡五柞宮

李家明

家明廬州西昌人李璟時為樂部頭

苕溪漁隱叢話家明諷詰敏給

善為諷辭元宗賞花後苑臨池垂釣臣下皆得魚唯元宗獨無所獲家明進詩云云元宗大喜賜宴極歡嘗見牛晚卧美蔭元宗曰牛具熱矣家明諷詰曰曾遭甯戚鞭敲角又被田單火燎身閑向斜陽嚼枯草近來問喘更無人輔相皆慚齊邸無子晚年一子輒死逾月猶哭齊王景達勸之不止家明曰臣能止之乃作大紙寫署其上云欲興唐祚革强吳盡是先生起廟謨一箇孩兒拚不得讓皇百口合何如尹延範族吳氏齊邸為謀因以誚焉乘風放之故墜齊邸中庭齊邸見之哭乃止後元宗遷南都已失江北十四郡舟楫多行南岸至趙屯因輟停觴並望皖公山謂家明好青峭歎峰不知何名也家明應聲對云云

釣魚應制

全五代詩

卷三

南唐

十四



玉甃垂鉤興正濃  
碧池春暖水溶溶  
凡鮮不敢吞香餌  
知是君王合釣龍

詠皖公山

龍舟輕颭錦帆風  
正值宸游望遠空  
回首皖公山色翠  
影斜不到壽杯中

王感化

感化建州人李氏樂人

談苑感化少聰敏未執卷而多識善為詞口諧捷急滑稽無窮時本鄉帥更代餞別感化獻詩曰旌旆赴天臺溪山曉色開萬家悲更喜迎佛送如來至金陵宴苑中有白野鵲李璟令賦詩應聲云云又題怪石八句皆用故事但記其一聯云草中誤認將軍虎山上曾為道士羊

咏白野鵲

碧岩深洞恣遊遨  
天與蘆花作羽毛  
要識此來棲宿處  
上林瓊樹一枝高

李廷珪

廷珪本姓奚從易水遷居南唐賜國姓十國春秋廷珪工造墨與

父起自易水來江南定居歙州初姓奚後賜姓李氏其弟廷璋子文用皆襲其業然多不及廷珪江南以澄心堂紙龍犀硯及廷珪墨為文房三寶當其時有貴族嘗誤遺廷珪墨一丸於池中疑為水所壞因不復取既逾月臨池飲偶墜金器乃令善洒者下取之併所得遺墨光色不變衣裏若新緣是世多和寶箴云南唐拾遺記載韓熙載延欲工朱逢燒墨命其所曰化松堂墨曰元中子又曰名麝香月篋而寶之又輟耕錄紀南唐墨工李氏外有耿文政耿文壽盛通盛真諸人附記於此墨譜廷珪有墨訣云云

墨訣

贈甯烏玉訣  
泉清研須潔  
避暑懸葛囊  
臨風度梅月



唐希雅

希雅嘉興人善丹青與徐熙同時齊名

構李詩繫  
希雅工金

錯書善丹青李璟聞其名欲召  
之人謂其嗜酒無人臣禮乃止

題畫

誰潑烟雲六尺綃寒山秋樹晚蕭蕭十年來往吳淞口  
錯認溪南舊板橋

全五代詩卷三十七

羅江李調元雨村 編

南唐

陳陶

陶字嵩伯嶺南人大中時遊學長安南唐昇元  
中隱洪州西山後不知所終詩十卷

馬世本傳陳  
陶世居嶺表

聲詩歷象無不精究昇元中至南昌築室西山日以詩酒為事會宋  
齊邱出鎮南昌陶志不屈齊邱亦不為之薦辟陶作詩自詠有中原慕  
道無麟鳳自是皇家結網羅之句陶少與水部員外郎任昉相善嘗以  
詩貽之云好向明朝薦遺逸莫教千古吊靈均後以修煉為事有詩云  
乾坤見了文章懶龍虎成來印綬疎又云任他浮世悲生死獨駕蒼麟  
入九霄又題徐穉亭詩云伏龍山橫渚洲地人如白蘋自生死洪崖道成  
二千年唯有徐君播青史 嚴情集嚴尚書字鎮豫章以陶標行清  
潔欲撓之遣小妓號蓮花者往侍焉陶殊不采妓為詩求去有處



士不生巫峽夢虛勞神女下陽臺之句陶答之云近來詩思清于水  
老大心情薄似雲已向昇天得門戶錦衾深愧卓文君後人移其事  
為陳圖南非也 十國春秋陳陶二子小字祖黎陶有詩云踏溪  
叟無人問問列租黎教六韜蓋指二子也 本傳西山先產藥物數  
十種陶采而餽一開寶中嘗見一斐角髮被褐與老媪貨藥于市獲  
錢則市鮓對飲旁若無人既醉行舞而歌曰藍采禾藍采禾塵世紛  
紛事更多爭如膏粱沽酒飲歸去深崖拍手歌或疑為陶夫婦云  
張為主客圖 蟬聲射月短草色與秋長又比屋歌黃竹何人感白榆  
陳陶句也 吟窓雜錄陶新月句云好看如鏡夜莫笑似弓時又近  
來世上無徐庶誰向桑麻識卧龍皆可想見其為人 北夢瑣言洪  
州處士陳陶有逸才其詩句云江湖水深淺不足掉鯨尾又云飲水  
狼子瘦思日鷓鴣寒又云一鼎雌雄金液火十年寒暑鹿麕不寄  
與東流任班鬢向隅終守  
錢核飛如此例不可彈述

懷仙吟二首

洞春詩話南唐人多五律句惟萬伯古詩如懷仙吟等篇皆減減唐

丹陵五牙客昨日羅浮歸赤斧尋不得烟霞空滿衣試  
於華陽問果遇三茅知採藥向十洲同行牧羊兒十洲

隔八海浩渺不可期空留雙白鶴巢在長松枝

雲溪古流水春晚桃花香憶與我師別片帆歸滄浪滄  
浪在何許相思淚如雨黃鶴不復來雲深別離處石渠  
泉泠泠三見菖蒲生日夜勞夢魂隨波注東溟空懷別  
時惠長讀消魔經

遊子吟

棲鳥喜林曙驚蓬蓬傷歲關關河三尺雪何處是天山朔  
風無重衣僕馬飢且寒慘減別妻子遲迴出門難男兒  
值休明豈是長泥蟠何者為木偶何人侍金鑿鬱悒守  
貧賤悠悠亦無端進不圖功名退不處巖巒窮通在何



日光景如跳丸富貴若不早令人摧心肝誓期春之陽  
一振摩霄翰

悲哉行

中嶽仇先生遺余餌松方服之一千日肢體生異香步  
履如風旋天涯不齎糧仍云為地仙不得朝虛皇狡兔  
有三穴人生又何常悲哉二庶士餓死於首陽

避世翁

海上一蓑笠終年垂釣絲滄洲有深意冠蓋何由知直  
鉤不營魚蝸室無妻兒渴飲寒泉水飢食紫靈芝鶴髮  
披兩肩高懷如澄波嘗聞仙老言云是古鳩夷石竇闕

雷雨金潭養蛟螭乘槎上玉津騎鹿遊峨嵋以人為語  
默與世為雄雌茲焉乃磻溪豹變應須時自古隱淪客  
無非王者師

草木言

何生我蒼蒼何育我黃黃草木無知識幸君同三光始  
自受姓名葳蕤立表裳山河既分麗齊首乳青陽甘辛  
各有榮好醜不相防常憂刀斧劫竊慕仁壽鄉願天雨  
無暴願地風無狂雨足因哀憊風多因天傷在山不為  
柱徒辱君高岡在水不為蓮徒占君深塘勿輕培壤阜  
或有竒棟梁勿輕蒙隴澤或有竒馨香涓毫可麓差朝



菌壽為長擁腫若無取大椿命為傷婆娑不材生苒苒  
向秋荒幸遭薰風日有得皆簸揚所愧雨露恩願效幽  
微芳希君頻採擇勿使枯雪霜

塗山懷古

落拓書劍晚清秋鷹正籠塗山間來上愛敬如登龍覽  
古覺神王脩然天地空東南更何有一醉先王風惟昔  
放勳世陰晦徹成洪皇圖化魚鱉天道漂無蹤帝乃命  
舟楫擬方儒素中高陳九州力百道驅歸東舊物復光  
明洪爐再埏鎔經門不私子足知天下公亮曰那並生  
唐虞禪華蟲華山朝萬國一賦寰海同十載有區寓秋

毫亦帝功垂衣不驕德子桀如何聾握髮聞禮賢葺苑  
見卑宮凡夫色難事神聖安能恭道隱三千年遺芳播  
笙鏞當時執圭處佳氣仍童童海嶼儼清廟天人盛祇  
供元恩及花木丹識名崆峒異代草澤臣何由樹勲庸  
堯階未曾識誰信平生忠恨不當際會預為執鞭僮勞  
歌山下去懷德心無窮

早發始興

雲裡山已曙舟中火初熱綠浦待行橈元猿催落月沿  
流信多美况復秋風發挂席借前期晨鷄莫嘲啞

番禺道中作



博羅程遠近海塞愁先入瘴雨出虹蜺蠻江渡山急常  
聞島夷俗犀象滿城邑鴈至草猶春潮迴檣半濕丹邱  
鳳凰隱水廟蛟龍集何處樹能言幾鄉珠是泣千年趙  
佗國霸氣委原隰齷齪笑終軍長纓禍先及

宿島徑夷山舍

百里遵島徑逢征信迢迢暝依漁樵宿似過黃金臺缺  
齧心未理寥寥夜猿哀山深石牀冷海近腥氣來主人  
意不淺屢獻流霞杯對月撫長劍愁襟紛莫開九衢平  
如水胡為涉崔嵬一飯未遑飽鵬圖信悠哉山濤謔細  
君吾豈厭蓬萊明發又驅馬客思一徘徊

蒲門戍觀海作

廓落溟漲曉蒲門鬱蒼蒼登樓禮東君旭日生扶桑毫  
釐見蓬瀛含吐金銀光草木露未晞蜃樓氣若藏欲遊  
蟠桃園慮涉魑魅鄉徐市惑秦朝何人在巖廊惜哉千  
童子墓骨於渺茫恭聞槎客言東池接天潢即此聘牛  
女曰祈長壽方靈津水清淺余亦慕修航

海昌望月

何處無今夕豈期在海頭賈客不愛月蟬娟入滄洲浩  
然傷歲華獨望湖邊樓煙島青歷歷藍田白悠悠誰無  
破鏡期繫我信虛舟誰無桂枝念繫我方摧翰始見彎



全五代詩 卷五  
環春又逢團圓秋莫厭綾扇夕百年多銀鈎金盤誰雕  
鐫玉窟難寫搜重輪運時節三五不自由疑拋雲上鍋  
欲樓天邊毬孀居應寒冷擣藥青冥愁兔子樹下蹲蝦  
蟆池上游如何名金波不共水東流天花辟膾腥野雲  
無邊取蚌蛤乘大運合珠相對酬夜鶻思南鄉露華清  
東甌百寶安可覩老龍鑠深湫究究如情人盜者即仇  
讐海涯上皎潔九門更清幽亭亭勸金樽夜久喘吳牛  
夷俗皆輕擲北山思今遊鴈聲故鄉來客淚墮南州平  
生煙霞志讀書覓封侯四海尚白身豈無故鄉羞塚坎  
何足歎壯如水中虬獵獵谷底蘭搖搖波上鷗中途喪

資斧兩地生繁憂一杯太陰君鷓鴣豈無求明日將片  
葉三山東南浮

和西江李助副使早登開元寺閣

虛豁登寶閣三休極層構獨立天地間煙雲滿襟袖  
荒初落日劍野呈綺繡秋檻祝融微陰軒九江湊拂簷  
黃姑舍錯落白榆秀倚砌天竺祠蛟龍蟠古甃翛然觀  
六合一指齊宇宙書劍忽若青雲日方晝南朝空蒼  
莽楚澤稀耕耨萬事溺頽波一航安可受徒云寄麟泣  
六五終難就資斧念徐生湖光隱圭竇早聞群黃鶴飄  
舉此江岫陵谷空藹然人樵已雜鷺燕宮豸冠客憑覽



全五代詩 卷五  
發清奏珠玉難嗣音  
擬轅愧孤陋

贈江西周大夫

否極生大賢  
九元降靈氣  
獨立正始風  
蔚然中興淵  
淪照三古磊  
落涵涇渭  
真貌月懸秋  
雄詞雷出地  
具瞻先皇寵  
欲踐東華貴  
咫尺時不來  
千秋鼎湖淚  
因分三輔職  
進領南平位  
報政黃霸慙  
提兵呂蒙醉  
歲星臨斗牛  
水國嘉祥至  
不獨蒼生蘇  
仍兼六駟喜  
恭聞廟堂略  
欲斷匈奴臂  
刻釋自宸衷  
平戎在連帥  
時廢簪笏冗  
世梗忠良議  
邱壑非無人  
松香有私志  
三朝倚天劍  
十萬浮雲騎  
可使河曲清  
群公信兒戲  
滄溟用謙德  
百谷走

童稚禦衆付深人  
參籌須偉器  
他年蓬蓽賤  
願附鴛鴦翅

將歸鍾陵留贈南海李尚書

楚國有田舍  
炎州長夢歸  
懷恩似秋燕  
屢遶玉堂飛  
越酒豈不甘  
海魚寧無肥  
野裘醉歌舞  
事與初心違  
尋鬪文昌公英靈  
世間稀  
長江浩無際  
龍蛭皆歸依  
賤子感一言  
草茅發光輝  
從來難覓質  
得假鳳凰威  
常欲討元珠  
青雲報巍巍  
龍門竟多故  
雙淚別旂旂

旅次銅山途中先寄温州韓使君

亂山滄海曲  
中有橫陽道  
東馬過銅梁  
苔華坐堪老  
鳩



全五代詩 卷之七  
鳴高崖裂熊鬪深樹倒絕竅無坤維重林失蒼昊躋攀  
寡儔侶扶接念輿阜俛仰慄嵌空無因擬靈草梯窮聞  
戍鼓魂續賴邱禱敞豁天地歸縈紆村落好悠悠思蔣  
徑擾擾愧商皓驅想永嘉侯應傷此懷抱

寄元孚道人

梵宇章句客佩蘭三十年長乘碧雲馬時策翰林鞭囊  
事五岳遊金衣曳祥煙高攀桐君手左倚鸞鷲肩哭玉  
秋雨中摘星春風前橫軸截洪偃憑几見廣宣爾承詔  
華胥石壁孤雲眠龍降始得偈龜老方巢蓮內殿無文  
僧騶虞誰能牽因之問楚水吊屈幾潺湲

種蘭

種蘭幽谷底四遠聞馨香春風長養深枝葉超人長智  
水潤其根仁鋤護其芳蒿藜不生地惡鳥弓已藏椒桂  
夾四隅茅茨居中央左鄰桃花塢右接蓮子塘一月薰  
手足兩月薰衣裳三月薰肌骨四月薰心腸幽人飢如  
何採蘭充餽糧幽人渴如何醞蘭為酒漿地無青苗租  
白日如羲皇不嘗仙人藥端坐紅霞房日夕望美人佩  
花正煌煌美人久不來佩花徒生光刈獲及歲蕤無令  
見雪霜清芬信神鬼一葉豈可忘舉頭愧青天鼓腹詠  
時康下有賢公卿上有聖明王無階答風雨願獻蘭一



筐

題僧院紫竹

喜遊蛟井寺復見炎州竹香靄萬丈開嘯風清獨速江  
南正霜霰吐秀弄顛頊似瑞驚堅貞如魔試金衆笋非  
孝子泣文異湘靈哭金碧誰與鄰蕭森自成族新聞赤  
帝種子落毛人谷遠祖賜鷓鴣遺芳遍南陸對煙蘇麻  
醜夾澗篔簹伏美譽動丹青瓌姿豔秦蜀因緣鹿識苑  
想像虵邱斲幾葉別黃茅何年依白足龍樹蟄一花砌  
瑶掃雲屋色靜曼山花名高給孤燭青蔥太子樹灑落  
觀音目法雨每沾濡玉毫時照燭離居鸞節變樹冷金

顏縮豈念葛陂榮幸無祖父辱光搖水精串影送蓮花  
軸江鷺日相尋野鷓時寄宿幽香入茶灶靜翠入碁局  
肯羨垣上蒿自多籬下菊從來道生一况伴龜藏六椽  
託巨星迴檀藥已雲蘊霞杯傳縹葉羽管吹紫玉久絕  
釣竿歌聊栽竹枝曲愧生黃金地千秋為師綠

飛龍引

長洲茂苑朝夕池映日含風結細漪坐堂伏檻紅蓮披  
雕軒洞戶青蘋吹輕幌芳烟鬱金馥綺簷花簾桃李枝  
蘭苔翡翠但相逐桂樹鴛鴦恒並宿

將進酒



金樽莫倚青春健，齷齪浮生如走電。琴瑟盤傾從世珠，  
黃泥局瀉流年箭。麻姑爪頰瞳子昏，東皇肉角生魚鱗。  
靈鼈柱骨半枯朽，驪龍德悔愁耕人。周孔著龜久淪沒，  
黃蒿誰認賢愚骨。鬼苑詞才去不還，蘭亭水石空明月。  
巫娥弄簫香雨收，江濱迸瑟魚龍愁。靈芝九折楚蓮醉，  
翔風一歎梁庭秋。酥凸蠻觥奉君壽，玉山三獻春紅透。  
銀鴨金鸞言待誰，隋家嶽瀆皇家有。珊瑚座上凌香雲，  
鳳臆龍炙猩猩脣。芝蘭此日不傾倒，南山白日皆賢人。  
文康調笑麒麟起，一曲飛龍壽天地。

巫山高

玉峰青靈十二枝，金母和雲賜瑤姬。花宮磊砢楚宮外，  
列仙八面星斗垂。秀色無雙又怨三峽春，風幾夢襲王獵。  
青鸞不在嬾吹簫，斑竹題詩寄江妾。飄飄散絲巴子天，  
苔裳玉轡紅霞幡。歸時白帝掩青瑣，瓊枝草草迷湘烟。  
鷄鳴曲

雞聲春曉上林中，一聲驚落蝦蟇宮。一聲喚破枕邊夢，  
三聲行人煙海紅。平旦慵將百雞語，蓬鬆錦繡當陽處。  
愧君飲食長相呼，為君晝鳴下高樹。

關山月

昔年嫖姚護羌月，今見嫖姚雙鬢雪。青塚曾無尺寸歸，



錦書多寄窮荒骨百戰金瘡體沙磧鄉心一片懸秋碧  
漢帝應題破鏡時胡塵萬里婵娟隔度磧衝雲朔風起  
邊笳欲曉生青珥隴上橫吹雪色刀何年斷得匈奴臂

空城雀

古城濛濛花覆水昔日住人今住鬼野雀荒臺遺子孫  
千年飲啄枯桑根不隨海燕柏梁去應無玉環銜報恩  
近村紅粟香壓枝嗷嗷黃口訢朝飢生來未見鳳凰語  
欲飛常怕蜘蛛絲斷腸四隅天四絕清泉綠蕙無恐疑

獨搖手

漢宮新鶯愁蛾眉春臺豔妝蓮一枝迎春侍宴瑤池

游龍千盤嬌欲飛冶袖鶯鸞拂朝曦摩煙裊雪金碧遺  
愁鴻連翮蠶曳絲颯還明珠掌上移仙人龍鳳雲雨吹  
朝哀暮愁引啞啞鴛鴦翡翠承宴私南山一笑君無辭  
仙娥泣月清露垂六官燒燭愁風歛

小笛弄

一尺玲瓏握中翠仙娥月浦呼龍子五夜流珠粲夢卿  
九清鸞倚洪崖醉丹穴飢兒笑風雨媧皇碧玉星星語  
地竭愁聞骨髓寒江山恨老眠秋霧綺席鴛鴦冷珠翠  
星流露泣誰驅使江南一曲罷伶倫芙蓉水殿春風起

謫仙詞



枚龍丈人病高秋羣童擊節星漢愁瑤堂鳳輦不勝恨  
太古一聲龍白頭玉氣蘭光久摧折上清雞犬音書絕  
蜺旌失手遠於天三島空雲對秋月人間磊磊浮漚客  
鸞鷲蜻蜓飛自隔不應冠蓋逐黃埃長夢真君舊恩澤

古鏡篇

紫皇玉鏡蟾蜍字墮地千年光不死發匣深沉古井寒  
懸臺日照愁成水海戶山窓幾梳縮菱花開落何人見  
野老曾耕太白星神狐夜哭秋天斤下國青銅旋磨滅  
迴變萬影成枯骨會待博風雨次寥長恐莓苔蝕明月  
冬夜吟

黑帝天寒愁散玉東皇海上張仙燭侯家歌舞案梨園  
石氏寶寮醉金谷魯家檐榆闔披雪花燈下甘垂翅  
散帙高編折桂枝披沙密甃青雲地霜白溪松轉斜蓋  
銅龍喚曙咽聲細八埏螻蟻厭寒樓早晚青旂引春帝  
展轉城烏啼紫天瞳矇千騎衙樓前

錢塘對酒由

風天鴈悲西陵愁使君紅旗弄濤頭東海神魚騎未得  
江天大笑開悠悠嗟峨吳山莫誇碧河陽經年一宵白  
南州彩鳳為君生古獄愁蛇待恩澤三清羽童來何遲  
十二玉樓蝴蝶飛炎荒翡翠九門去遼東白鶴無歸期



金五仙詩 卷五  
鷓夷公子休悲悄六鰲如鏡天始老樽前事去月團圓  
琥珀無情憶蘇小

殿前生桂樹

仙娥玉宮秋夜明桂枝拂檻參差瓊香風下天漏丁丁  
牛渚翠梁橫淺清羽帳不眠恨吹笙樓烏暗驚仙子落  
步月鬢雲墮金萼蕙樓涼簟翠波空銀縷香寒鳳凰薄  
東海即為郎斟酌綺疏長懸七星杓

西川座上聽金五雲唱歌

蜀王殿上華筵開五雲歌從天上来滿堂羅綺悄無語  
喉音止駐雲徘徊管絃金石還依轉不隨歌出靈和殿

白雲飄飄席上来貫珠歷歷聲中見舊樣釵篸淺澹衣  
元和梳洗青黛眉低叢小鬢膩髮髻碧牙鏤掌山參差  
曲終暫起更衣過還向南行座頭坐低眉欲語謝貴侯  
檀臉雙雙淚穿破自言本是宮中嬪武皇改號承新恩  
中丞御史不足比水殿一聲愁殺人武皇鑄鼎登真籙  
嬪御蒙恩免幽辱茂陵弓劍不得親嫁與卑官到西蜀  
卑官到官年未周堂衡祿罷東西遊蜀江水急駐不得  
復此萍蓬二十秋今朝得侍王侯宴不覺途中妾身賤  
願持卮酒更唱歌歌是伊州第三遍唱着右丞征戍詞  
更聞閨月添相思如今聲韻尚如此何況官中年少時



全五什言 卷五  
五雲處處可憐許明朝道向褒中去須臾宴罷各東西  
雨散雲飛莫知處

贈別離

碧玉飛天星墜地玉劍分風交合水楊柳聽歌莫向隅  
雞鳴一石留髡醉蹄輪送客溝水東月娥揮手崦嵫峰  
巒天列嶂儼相待風官掃道迎游龍天姥剪霞鋪曉空  
滌滌大帝開明宮文鯨掉尾四海通分明瀑布收靈桐  
山妖水魅騎旋風魘夢齧魂黃瘴中借君朗鑒入崦峒  
靈光草詔問花紅

塞下曲二首

邊頭能走馬猿臂李將軍射虎群胡伏開弓絕塞聞海  
山諸向背攻守別風雲只為坑降罪輕車未轉勳  
望湖關下戰雜虜喪全師鳥啄豺狼將沙埋日月旗牛  
羊奔赤狄部落散燕耆都護凌晨出銘功瘞死屍

池塘生春草

謝公遺詠處池水夾通津古往人何在年來草自春色  
宜波際綠香異雨中新今日青青意空悲行路人

自歸山

海嶽南歸遠天門北望深暫為青瑣客難換白雲心富  
貴老閒事猿猴思舊林清平無樂志樽酒有瑤琴



濟浙江

適越一輕艘  
凌競截鷺濤  
曙光金海近  
晴雪玉峰高  
靜寇思投筆  
傷時欲釣鰲  
壯心殊未展  
登涉漫勞勞

清源途中旅思

古來閩州道  
驅羸落照間  
投村礙野水  
問店隔荒山  
身事幾時了  
蓬飄何日間  
看花滯南國  
鄉月十灣環

南海石門戍懷古

漢家征百越  
落地喪貔貅  
大野朱旗沒  
長江赤血流  
鬼神尋覆族  
宮廟變邱荒  
唯有朝臺月  
千年照戍樓

題上人法華新院

浮名深般若  
方等設蓮華  
鐘唄成僧國  
湖山稱法家  
塵多寶塔千  
佛大牛車  
能誘泥犁客  
超然識聚沙

南海送韋七使君赴象州任

一鶚韋公子  
新恩領郡符  
島夷通荔浦  
龍節過蒼梧  
地理金城近  
天涯玉樹孤  
聖朝朱紱貴  
從此展雄圖

送沈次魯南遊

高臺贈君別  
滿握軒轅風  
落日一揮手  
金鵝雲雨空  
鰲洲石梁外  
劍浦羅浮東  
茲興不可接  
脩脩煙際鴻

送秦鍊師

紫府靜沉沉  
松軒思別吟  
水流寧有意  
雲泛本無心  
錦



洞桃花遠青山竹葉深  
不日時賣藥何路更相尋

盜城贈別

楚岍青楓樹長隨送遠心  
九江春水濶三峽暮雲深  
氣調桓伊笛才華蔡琰琴  
迢迢嫁湘漢誰不重黃金

贈別

海國一尺綺冰壺萬縷絲  
以君西攀桂贈此金蓮枝  
高鳥思茂樹窮魚樂洿池  
平生握中寶無使歲寒移

哭寶月三藏大禪師

五峰習聖罷乾竹化身歸  
帝子傳真印明人哭寶衣  
一囊窮海沒三藏故園無  
復天花落悲風滿鐵圍

聖帝擊壤歌四十聲

百六承堯緒艱難土運昌  
大虛橫慧宇中野鬪豺狼  
帝曰更吾嗣時哉憶聖唐  
英皇垂將校神嶽誕忠良  
鍊石醫元氣屠耆正昊蒼  
掃原鋪一德驅禊立三光  
大道重蘇恩真風再發揚  
芟夷踰舊跡神聖掩前王  
郊酒酣寥廓鴻恩受渺茫  
地圖龜負出天誥鳳銜將  
雜貢來山峙群夷入雁行  
紫泥搜海岱鴻筆富巖廊  
鷹象敷宸極寰瀛作瑞坊  
泥丸封八表金鏡照中央  
構殿祈麟趾開藩表鳳翔  
鑾輿親稼穡朱幌務蠶桑  
戎羯輸天馬靈仙侍玉房  
官儀水蒐甲門衛綠沉槍  
陶鑄超三古車書混萬



方時巡望虞舜蒐獸法殷湯化合謳謠滿年豐鬼域藏  
政源歸牧馬公法付神羊寶鼎無靈應金甌肯破傷封  
山昭茂績祠執荅嘉祥在昔宮闈僭仍罹羿浞殃北雞  
何敵譎獒犬漫動勸苗禱三靈怒桓偷九族亡鯨鯢尋  
掛網魑魅旋投荒松柏霜逾翠芝蘭露更香聖謨流作  
遠仙系發源長島嶼征徭傳漪瀾汎稻梁鳧魚饜食啖  
荷薜足衣裳寤寐華胥國嬉遊太素鄉鷹鷗飛接翼忠  
孝住連墻有叟能調鼎無媒隱釣璜乾坤負識量江海  
入文章野鶴思蓬闕山麋憶廟堂泥沙空淬礪星斗屢  
低昂歷草何因見衢尊豈暫忘終隨嘉橘賦霄漢謁義



全五代詩卷三十八

羅江李調元雨村 編

南唐

陳陶二

和容南韋中丞題瑞亭白燕白鼠六眸龜嘉蓮四

韻

伏波恩信動南夷交趾喧傳四瑞詩鷺鼠孕靈瓊上德  
龜蓮增耀答無私迴翔雪侶窺簷處照映紅巢出水時  
盡寫風流在軒檻嘉祥從此百年知

鍾陵道中作

五代詩

卷三十八

南唐

一



全五什言 卷五  
原隰經霜蕙草黃  
塞鴻消息怨流芳  
秋山落照見麋鹿  
南國異花開雪霜  
煙火近通繁  
瓠俗水雲深入武陵鄉  
曾逢齧缺話東海  
長憶蕭家青玉床

旅泊塗江

煙雨南江一葉微  
松潭漁火夜相依  
斷沙雁起金精出  
孤嶺猿愁木客歸  
楚國柑橙勞夢想  
丹陵霞鶴間音微  
無因得似滄溟叟  
始憶離巢已倦飛

劍池

秦帝南巡厭火精  
蒼黃埋劍故豐城  
霸圖繚戾金龍螯  
坤道扶搖紫氣生  
星斗臥來閒窟穴  
雌雄飛去變澄泓

永懷惆悵中宵作  
不見春雷發匣聲

登寶歷寺閣

金碧高層世界空  
凭蜺長嘯八蠻風  
橫軒水壯蛟龍府  
倚棟星開牛斗宮  
三楚故墟殘燒北  
六朝荒苑斷山東  
不堪懷古勞悲笑  
安得鵬搏顯氣中

題豫章西山香城寺

十地巖宮禮竺皇  
梅檀樓閣半天香  
祇園樹老梵聲小  
雪嶺花香燈影長  
霄漢落泉供月界  
蓬壺靈鳥侍雲房  
何年七七空人降  
金錫珠壇滿上方

賀容府常中丞天府賢  
凡新除黔南經畧



蓬瀛簪笏舊聯行紫極差池降寵章列國山河分雁字  
一門金玉盡龍驤耿家符節朝中美表氏芝蘭閩外香  
烽戍悠悠恨巴越佇聽歌詠兩甘棠

贈容南韋中丞

普寧都護軍威重九譯梯航壓要津十二銅魚尊畫戟  
三千犀甲擁朱輪風雲已靜西山寇閭井全移上國春  
不獨來蘇發歌詠天涯半是泣珠人

投贈福建路羅中丞

越艷新謠不厭聽樓船高臥靜南溟未聞建水窺龍劍  
應喜家山接女星三捷楷模光曲策一生封爵笏丹青

皇恩幾日西歸去玉樹扶疎正滿庭

贈江南李偕副使

世祿三朝歷鳳池杜陵公子漢庭知雷封始賀棠溪劍  
花府尋邀玉樹枝幾日坐談誅叛逆列城歸美見歌詩  
從來莫厭干場醉即是金鑾寵命時

贈温州韓使君

康樂風流五百年永嘉鈴閣又登賢巖城鼓動魚驚海  
華屋樽開月下天內史筆鋒光案牘鄢陵詩句滿山川  
今來誰似韓家貴越絕麾幢鴈影連

贈漳州張怡使

全五代詩

卷三十一

南唐

三



舊德徐方天下聞當年熊軾繼清芬井田異政光蠻竹  
符節深恩隔瘴雲已見嘉祥生北戶嘗嫌夷貊蠹南薰  
幾時徵拜征西越學著縵胡從使君

贈江南從事張侍御

平南門館鳳凰毛二十華軒立最高幾處談天致雲雨  
早時文海得鯨鰲姁聯紫府蕭愔貴職稱青錢繡服豪  
江徼無虞才不展銜杯終日詠離騷

謫仙吟贈趙道士

汗漫東遊黃鶴雛縉雲仙子住清都三元麟鳳推高座  
六甲風雷閔小壺日月暗資靈壽藥山河擬作化生符

若為失意居蓬島鰲足塵飛桑樹枯

賀白真登仙

雲笈七籤云白真為道士居嵩山焚修精勤人不  
知其甲子一日雲鶴滿空聲樂清亮飛昇而去陶  
瞻禮作詩曰

子晉鸞飛古洛川金桃再熟賀郎仙三清樂奏嵩邱下  
五色雲屯御苑前朱頂舞翻迎絳節青鬟歌對駐香輶  
誰能白晝相悲泣太極光陰幾萬年

寄兵部任畹郎中

當思劍浦別清塵荳蔻花紅十二春崑玉已成廊廟器  
澗松猶是薜蘿身雖同橘柚依南土終仰魁罡近北辰  
好向昌時薦遺逸莫教千古弔靈均



閒居寄太學盧璟博士

無路青冥奪錦袍，恥隨黃雀住蓬蒿。  
碧雲夢後山風起，珠樹詩成海月高。  
久滯鼎書求羽翼，未忘龍闕致波濤。  
閒來長得留侯癖，羅列楫梨校六韜。

送江西周尚書赴滑臺

楚謠襦袴整三千，喙舌新恩下九天。  
天角雄都分節越，蛟龍舊國罷樓船。  
崑河已在兵鈴內，棠樹空留鶴嶺前。  
多病無因酬一顧，鄢陵千騎去翩翩。

閩中送任畹端公還京

燕臺下榻玉為人，月桂曾輸次第春。  
幾日酬恩坐炎瘴，

九秋高架拂星辰，漢庭鳳進鷓行喜。  
隋國珠還水府貧，多少嘉謀奏風俗。  
斗牛孤劍在平津。

經徐稚墓

邾鄆妖興炎漢衰，先生南國臥明夷。  
鳳凰屢降元纁禮，瓊石終藏烈火時。  
禁掖衣冠加宋鵲，湖山耕釣沒堯師。  
千年龍樹何人哭，寂寞蒼苔內史碑。

上建溪

崆峒一派瀉蒼煙，長揖丹邱逐水仙。  
雲樹杳冥通上界，峰巒回合下閩川。  
侵星愁過蛟龍國，採碧時逢婺女船。  
已判猿催鬢先白，幾重灘瀨在秋天。



冬暮旅泊廬陵  
螺亭倚棹哭飄蓬白浪欺船自向東  
楚國蕙蘭增悵望  
番禺筐篚屢虛空  
江城雪落千家夢  
汀渚冰生一夕風  
棄置侯鯖任羈束  
不勞龜瓦問窮通

豫章江樓望西山有懷

水護星壇列太虛  
煙霓十八上仙居  
時人未識遼東鶴  
吾祖曾傳寶鼎書  
終日章江催白鬢  
何年丹竈見紅蕖  
桃花谷口春深淺  
欲訪先生赤鯉魚

續古二十八首

吳洲采芳客  
桂棹木蘭船  
日晚欲有待  
徘徊春風前

仙家風景晏浮世  
年華速邂逅  
漢武時蟠桃東海聚  
南國珊瑚樹好裁  
天馬鞭魚龍不解語  
海曲空嬋娟  
周穆恣遊幸  
橫天驅八龍  
寧知秦山下  
日日望登封  
秦國饒羅網  
中原絕麟鳳  
萬乘巡海回  
鮑魚空相送  
秦家無廟略  
遮虜續長城  
萬姓隴頭死  
中原荆棘生  
秦作東海橋  
中州鬼辛苦  
縱得跨蓬萊  
羣仙亦飛去  
隋煬棄中國  
龍舟巡海涯  
春風廣陵死  
不見秦宮花  
范子相勾踐  
滅吳成大勳  
雖然五湖去  
終愧磻谿雲  
麟鳳識翔螭  
聖賢明卷舒  
哀哉嵇叔夜  
智不及鷄鶡  
戰地三尺骨  
將軍一身貴  
自古苦吊冤  
落花少于淚



楚國千里旱土龍日已多九穀竟枯死好雲閒嗟峨  
漢家三殿色恩澤若飄風今日黃金屋明朝長信宮  
南園杏花發北渚梅花落美女妬西施容華日銷鑠  
山雞理毛羽自古勝烏鷲一朝逢鸞鷲羞死南海邊  
秦王卷衣賁本自倡家子金殿一承恩貂蟬滿鄉里  
魏宮薛家女秀色傾三殿武帝鼎湖歸一身似秋扇  
嬋娟越機裏織得雙棲鳳慰此殊世花金梭忽停弄  
學古三十載猶依白雲居每覽班超傳令人慵讀書  
雄劍久濩落夜吟秋風起不是嬾為龍此非延平水  
朝為楊柳色暮作芙蓉好春風若有情江山相逐老

大堯登寶位麟鳳煥宸居海曲沾恩澤還生比目魚  
生值揖遜歷長歌東南春釣鰲年三十未見天子巡  
軒轅承化日群鳳戲池臺大樸衰喪後仲尼生不來  
大道歸孟門蕭蘭日爭長想得巢居時碧江應無浪  
矻矻蓬舍下慕君麒麟閣笑殺王子喬寒天乘白鶴  
杳杳巫峽雲悠悠漢江水愁殺幾少年春風相憶地  
景龍臨太極五鳳當庭舞誰信壁間梭升天作雲雨

閩南唐雅又載一首云曾夢諸侯笑康因議  
脫枷千根池底藕一朵火中花似偽作附記

永嘉贈別

芳草溫陽客歸心浙水西臨風青桂檝幾日白蘋溪



長相思

欲唱元雲曲知音復誰是採掇情未來臨池畫春水

水調詞十首

點虜迨迨未肯和五陵年少重橫戈誰家不結空閨恨  
玉筋闌干妾最多

羽管慵調怨別離西園新月伴愁眉容華不分隨君去  
獨有粧樓明鏡知

憶餞良人玉塞行梨花三見換啼鶯邊場豈得勝閨閣  
莫逞琯弓過一生

惆悵江南早雁飛年年辛苦寄寒衣征人豈不思鄉國

只是皇恩未放歸

水閣蓮開燕引雛朝朝攀折望金吾聞道磧西春不到  
花時還憶故園無

自從清野戍遼東舞袖香銷羅幌空幾度長安發梅柳  
節旄零落不成功

長夜孤眠倦錦衾秦樓霜月若邊心征人一倍裝綿厚  
猶慮交河雪凍深

瀚海長征古別離華山歸馬是何時仍聞萬乘尊猶屈  
裝束干嬌嫁郅支

沙塞依稀落日邊寒宵魂夢怯山川離居漸覺笙歌懶



君逐嫖姚已十年  
萬里輪臺音信稀  
傳聞移帳護金微  
會須麟閣留蹤跡  
不斬天驕莫議歸

隴西行四首

漢主東封報太平  
無人金闕議邊兵  
縱饒奪得林胡塞  
磧地桑麻種不生  
誓掃匈奴不顧身  
五千貂錦喪胡塵  
可憐無定河邊骨  
猶是春閨夢裏人  
隴戍三看塞草青  
樓煩新替護羌兵  
同來死者傷離別  
一夜孤魂哭舊營

黠虜生擒未有涯  
黑山營陣識龍蛇  
自從貴主和親後  
一半胡風似漢家

子規思

春山杜鵑來幾日夜  
啼南家復北家  
野人聽此生惆悵  
恐畏踏落東園花

古意

麻姑井邊一株杏花開  
不如古時紅西鄰蔡家十歲女  
年年二月嗔東風

閒居雜興五首

虞韶九奏音猶在  
只是巴童自棄遺  
閒臥清秋憶師曠



好風搖動古松枝

一顧成周力有餘  
白雲閒釣五谿魚  
中原莫道無麟鳳  
自是皇家結網疎

長愛真人王子喬  
五松山月伴吹簫  
從他浮世悲生死  
獨駕蒼麟入九霄

越里娃童錦作襦  
艷歌聲壓郢中姝  
無人說向張京兆  
一曲江南十斛珠

雲堆西望賊連營  
分閫何當舉義兵  
莫道羔裘無壯節  
古來成事盡書生

夏日懷天台

竹齋睡餘柘梨清  
麟鳳誇我勞此生  
忽憶天台掩書坐  
澗雲起盡紅崢嶸

鍾陵秋夜

洪崖嶺上秋月明  
野客枕底章江清  
蓬壺官闕不可夢  
一一入樓歸雁聲

吳興秋思二首

不是苕溪厭看月  
天涯有程雲樹涼  
何意汀洲刺風雨  
白蘋今日似瀟湘

日夕鯢魚夢南國  
苔陽水高迷渡頭  
故山秋風憶歸去  
白雲又被王孫留



古蓮塘

闔闔宮娃能采蓮明珠作佩龍為船三千巧笑不復見  
江頭廢苑花年年

投贈福建桂常侍二首

後來台席更何人都護朝天拜近臣長筵當時漢卿士  
等閒思澤畫麒麟

匝地歌鐘鎮海隅城池鞅掌舊名都不知珠履三千外  
更許侯嬴寄食無

酬元孚上人

一衲淨居雲夢合秋來詩思祝融高何因知我津涯濶

遠寄東溟六巨鰲

答蓮花妓

近來詩思清於水老大心情薄似雲已向昇天得門戶  
錦衾深愧卓文君

鏡道人吹簫

金欄白的苦參差雙鳳夜伴江南樓十洲人聽玉樓曉  
空向千山挑杏枝

竹十一首

不厭東谿綠玉君天壇雙鳳有時聞一峰曉似朝仙處  
青節森森倚絳雲



萬枝朝露學瀟湘  
杳靄孤亭白石涼  
誰道乖龍不行雨  
春雷入地馬鞭狂

須題內史琅玕塢  
幾醉山陽琴瑟村  
剩養萬莖將掃俗  
莫教凡鳥鬧雲門

一谿雲母間靈花  
似到封侯逸士家  
誰識雌雄九成律  
子喬丹井在深涯

嘯入新篁一里行  
萬竿如壑鎖龍泓  
驚巢翡翠無尋處  
閒倚雲根刻姓名

燕燕雛時紫米香  
野溪羞色過東牆  
諸兒莫拗成蹊筍  
從結高籠養鳳凰

青嵐箒亞思吾祖  
綠潤偏多憶蔡邕  
長聽南園風雨夜  
恐生鱗甲盡為龍

迸玉閒抽上釣磯  
翠苗番次脫霞衣  
山童泥乞青驄馬  
騎過春泉掣手飛

一節呼龍萬里秋  
數莖垂海六鰲愁  
更須瀑布峯前種  
雲裡闌干過子猷

邱壑誰堪話碧鮮  
靜尋春譜認嬋娟  
會當小殺青瑤簡  
圖寫龜魚把上天

元圃千春閉玉叢  
淇陽一祖碧雲空  
不須騷屑愁江島  
今日南枝在國風



蜀葵詠

綠衣宛地紅倡倡薰風似舞諸女郎南隣蕩子婦無賴  
錦機春夜成文章

泉州刺桐花詠六首兼呈趙使君

海曲春深滿郡霞越人多種刺桐花可憐虎竹西樓色  
錦帳三千阿母家

石氏金園無此艷南都舊賦乏靈材只因赤帝宮中樹  
丹鳳新銜出世來

猗猗小艷夾通衢晴日薰風笑越姝只是紅芳移不得  
刺桐屏障滿中都

不勝攀折悵年華紅樹南看見海涯故國春風歸去盡  
何人堪寄一枝花

赤帝當年海上遊三千幢蓋擁炎州今來樹似離宮色  
紅翠欹斜十二樓

髣髴三株植世間風光滿地赤城間無因秉燭看奇樹  
長伴劉公醉玉山

僊人詞二首

小隱山人十洲客莓苔為衣雙耳白青編遺我忽隱身  
暮雨虹蜺一千尺

赤城門開六丁值曉日已燒東海色朝天半夜聞玉雞



星斗離離礙龍翼

春日行

鷓鴣初鳴洲渚滿  
龍蛇洗鱗春水煖  
病多欲問山寺僧  
湖上人傳石橋斷

春歸去

九十春光在何處  
古人今人留不住  
年年白眼向黔婁  
惟放蟻螬飛上樹

臨風歎

芙蓉樓中飲君酒  
驪駒結言春楊柳  
豫章花落不見歸  
一望東風堪白首

吳苑思

今人地藏古人骨  
古人花為今人發  
江南何處葬西施  
謝豹空聞采香月

南昌途中

古道黃緣蔓黃葛  
桓伊冢西春水濶  
村翁莫倚橫浦簪  
一半魚鰕屬鷓獮

閩川夢歸

千里潺湲建谿路  
夢魂一夕西歸去  
龍舫欲上巴獸灘  
越王金雞報天曙

題徐穉湖亭

全五代詩

卷五

南唐

十四



伏龍山橫洲渚地人如白蘋自生死洪崖成道二千年  
唯有徐君播青史

宿天竺寺

一宿何期此靈境五粒松香金地冷西僧示我高隱心  
月在中峰葛洪井

贈野老

何年種芝白雲裏人傳先生老萊子消磨世上名利心  
澹若巖間一流水

送謝山人歸江夏

黃鶴春風二千里山人佳期碧江水携琴一醉楊柳堤

日暮龍沙白雲起

江上逢故人

十年蓬轉金陵道長哭青雲身不早故里相逢盡白頭  
清江顏色何曾老

雙桂詠

青冥結根易傾倒沃州山中雙樹好瑠璃宮殿無斧聲  
石上蕭蕭伴僧老

朝元引四首

帝燭熒煌下九天蓬萊宮曉玉爐烟無央鸞鳳隨金母  
來賀薰風一萬年

全五代詩

卷一

南唐

十五



玉殿雲開露冕旒  
下方珠翠壓鰲頭  
天鷄唱罷南山曙  
春色先歸十二樓  
萬寓靈祥擁帝居  
東華元老薦屠蘇  
龍池遙望非烟拜  
五色瞳矓在玉壺  
寶祚河宮一向清  
龜魚天篆益分明  
近臣誰獻登封草  
五岳齊呼萬歲聲

全五代詩卷三十九

羅江李調元雨村 編

南唐

陳 旣

旣聞人隱廬山三十年  
李璟聘至授以江州曹掾  
固辭賜粟帛遣還山年七十五卒

十國春秋旣善  
思於詩得句未  
成革已播遠近學者多師事之元宗召見獻景陽宮懷古詩元宗稱  
善吟寔雜錄旣咏擊六年年爾爾者未有不傷情画虎云入夜  
雖無傷物意向明還不動人心又有句云出得風塵者合知岐  
路人又云拂榻燈未來開門月先入忽生雲是匣高以月為其至

景陽臺懷古

景陽六朝地運極自依依  
一會皆同是到頭誰論非酒

全五代詩

卷三十九

南唐

一



濃深遠慮花好失前機見此尤宜戒正當家國肥  
江為

為宋州人避亂家建陽遊廬山師陳旣為詩有

集

細素雜記為工詩如天形圍澤國秋色露人家之句極膾炙人口少  
遊江南題白鹿寺詩云吟登蕭寺梅檀閣醉倚王家玳瑁筵  
後主見之曰此人大是富貴家而劉夜坐夏江城等並就傳句法後  
以護死全建陽縣之西北有靖安寺即為故居留題者最衆南  
唐書為題白鹿寺詩元宗稱善由是放肆自謂俯拾青紫乃詣  
金陵求舉屢黜于有司為快快不能自已欲東亡遂會同謀者  
上變伏罪楊徽之哭江為詩云廢宅寒塘水荒墳宿草煙 五代  
史補為在福州有故人欲投吳越為與草表事發并誅臨刑詞色不撓  
賦詩云街鼓侵人急西傾日欲斜黃泉無旅店今夜宿誰家 紫桃  
軒雜綴江為詩竹影橫斜水清淺桂香浮動月黃昏林君復以二  
字為跡影暗香以咏梅遂成千古絕調詩字  
點化之妙譬如仙者丹頭在手瓦礫俱金矣

### 觀山水障歌

適來一觀山水障萬里江山在其上遠近猶如二月春  
咫尺分成百般象一岩嵯峨入雲際七賢鎮在青松裏  
潭水澄泓不見波孤帆滉漾張風勢釣魚老翁無伴侶  
子然此地輕寒暑灘頭坐久髻絲垂手把魚竿不曾舉  
樹婀娜山崔嵬片雲似去又不去雙鶴如飛又不飛良  
工巧匠多分布筆頭寫出江山頭垂柳風吹不動條樵  
人負重難移步

### 旅懷

迢迢江漢路秋色又堪驚半夜聞鴻雁多年別弟兄高  
風雲影斷微雨菊花明欲寄東歸信裊回無限情



江行

越信隔年稀孤舟幾夢歸月寒花露重江晚水煙微峰  
直帆相望沙空鳥自飛何時洞連上春雨滿蓑衣

登潤州城

天末江城晚登臨客望迷春潮平島嶼殘雨隔虹霓鳥  
與孤帆遠煙和獨樹低鄉山何處是目斷廣陵西

岳陽樓

倚樓高望極展轉念前途晚葉紅殘楚秋江碧入吳雲  
中來雁急天末去帆孤明月誰同我悠悠上帝都

送客

明月孤舟遠吟髭鑷更華天形圍澤國秋色露人家水  
館螢交影霜洲橘委花何當尋舊隱泉石好生涯

塞下曲

萬里黃雲凍不飛磧煙烽火夜深微胡兒移帳寒笳絕  
雪露時聞探馬歸

隨堤柳

錦纜龍舟萬里來醉鄉繁盛忽塵埃空餘兩岸千株柳  
雨葉風花作浪媒

劉洞

洞廬陵人學詩於陳貺隱居廬山後主召見獻



詩百篇有集

馬書本傳洞詩長子五言自號五言金城後主

主掩卷改容不復讀其餘名與同門夏寶貞松善賦嘗謂已詩埒賈

島洞亦自言有浪仙之體恨不得與之同時言詩也金陵受圍為詩

署于路旁曰千里長江皆渡馬十年養古侍何人又云翻憶蕭郎童奏

內陰陰日暮好沾巾初藩佑表曰家國陰陰如日將暮洞以譏之南

唐書云夏寶松與詩人劉洞俱顯名節度使陳德誠以詩美之曰建水

舊傳劉夜坐螺川新有夏江城蓋劉洞常有夜坐詩云百骸同草

木萬象入心靈又云孤猿叫落中巖月夜客吟殘半夜燈最為警策

而寶松有宿江城詩云雁飛南浦初初斷月滿西樓酒半醒又云曉

來羸駟依前去目斷遙山數點青皆佳句調元按五代詩多散逸不

見全首者甚多如劉夜坐夏江城以詩得名而皆不得窺其全豹殊為

可惜其他散見諸書者亦鱗隻羽殊不忍棄附見于此其他各國俱

以此例鈔附以備博覽江表志晉王景遂先主第三子也潤州鎮謝

餞詩云路指丹陽分虎節心存雙闕戀龍顏又李宏茂字子松元宗

第二子早卒追封慶王有咏雪句云甜于泉水茶頂信狂似楊花蝶未

知病中云半牕月在猶前藥幾夜燈閉不照書雅言系述李平閣右

人讀武帝內傳云龍髻已斯嬪嬪老豹尾不來岐路長閑書云至人

無夢夢不到天道畏盈盈有餘道山新聞唐鶴李後主宮嬪一

娘纖麗善舞後主作金蓮高六尺飾以寶物細帶瓔珞令宮婢以帛

繞足令織小屈上作新月沃素襪舞蓮中回旋有凌雲之態唐錫詩

曰蓮中花更好雲裏月長新因宵娘作也鑑戒野錄庸仁傑全州人

好苦吟陳德誠出守池陽仁傑貽詩云紅旆渡江霞蘸水青萍出匣雪

侵衣德誠善之勉之入金陵會休沐朝上集昇元寺酒行請仁傑賦登

閣詩有句云雲散便宜千里望日長斜占半城陰常贈嘉禾寺僧云只

住此山能有意向來求佛本無心時論與之又高仁短宣城人贈宣城

宰云硯貯寒泉碧庭堆敗葉紅贈徐學士云燕掠琴絃穿靜院史收詩

草下閒庭叢苑劉古江左人事李主為傳詔承旨以忠于所事歸朝

供奉嘗有刺自稱南人不忘本也有詩三百首目為釣鰲集徐鉉為序



免役馬書本傳毛炳豐城人廬山每與諸生講獲賞錄即市酒醉  
 時彭會好茶而炳好酒或嘲之曰彭生說賦茶三片毛氏得經酒半斤炳  
 聞之小晒而已後數年自署于齊壁云先生不在此千載只空山一夕大  
 醉卒 十國春秋胡元龜廬陵人常謁邑令幃間繪戲珠龍屬元龜  
 詠之時令多所受貽元龜題句云翻身騰白浪探爪攫元珠蓋諷之  
 也 馬書本傳邵拙宣城人孫峭不撓博通經史飲酒常至百盃  
 有詩三百篇尚書郎孫邁為之序命曰廬山集水曹郎趙慶慶以  
 詩貽之曰邁古文章金鸞鸞出羣行止王麒麟時悼其苦學子能文  
 而不得達于名位或議其詩有萬國未得雨孤雲猶在山之句斯為  
 應矣 南唐近事黃可南唐進士字不可詩句中多用驢字嘗  
 有獻高侍郎詩云天下傳將舞馬賦門前迎得跨驢翁 江南  
 野錄陳穎南昌縣人業進士題漢祖廟云項羽英雄猶不懼可憐  
 客得辟陽侯得狂病而卒 詩話總龜吳淑字正儀潤州丹陽人  
 仕南唐為內史歸宋薦試與士院授大理評事預修太平御覽  
 文苑英華畢遷起居舍人職方員外郎卒有文集事類賦江佳  
 異人錄秘閣閣談荆南朱昂晚以工侍乞骸骨真宗賜坐寵詔  
 留侯秋涼還故吳淑贈詩云漢殿夜涼初閣筆渚官秋晚得  
 懸車 吟窗雜錄趙休幸黃遜同時人有侍宴句云金莖來白露  
 王字起清風 郡閣雅談潘天錫南唐時為省郎有游古觀句  
 云風便聲聲濤斜樓影長 紀事王璘與李奉玉相遇嶽麓寺羣

王待之甚淺曰請與公聯句破題而授之璘畧不行思繼之云云羣玉遂  
 屈芍葯花開菩薩面櫻閣葉散野人頭羣玉遂屈服

石城懷古

石城古岸頭一望思悠悠幾許六朝事不禁江水流

許堅

堅字介石廬江人有異術嘗往來廬阜茅山間

李璟時以異人名不至後不知所終

郡閣雅談堅遇  
 遠近必到乘輿只三五杯便去性嗜魚將魚火二旋炙熟處即喫生處  
 復炙殊不去其鱗腸每和巾帶入溪澗內浴度日浸身出水即于風扇  
 坐候乾其衣服多有腥氣人惡之或有人與物忻然而受將散與見者  
 多于夢中吟詩宿溧陽縣靈泉精舍僧出白字韻請留詩對榻見  
 其睡熟至晚起出七言詩近枕吳溪與越峯云云太平興國九年自茅  
 山再遊廬山于方先生房內安下至夜深常與數人談笑人疑聽堅已  
 知之高聲云不得來今在洪州西山或吉州玉笥山 雅言雜載堅性  
 藪野似非今之人年高絕不知曉人事少言人不問終日不啟口多居三



茅山不知年歲形容不變好殮魚能為詩多談神仙事有題扇詩云吟哦但寫胸中妙飲酒能忘身後名但願長閑有詩思小溪風月共清明早年堅以時事干江南李氏人訝其狂慙以為風恙莫與之禮一絕上舍人徐鉉云云因拂衣歸隱至今尚在隱迹江淮間吟窓雜錄陸有句云道既學不得仙從何處來又病鶴云卧久似慵伸雪頂立遲猶未整霜衣十國春秋保大時以異人名堅堅配其名不起題幽棲觀云云與樊若水善勉以仕不應後不知其所在

題幽棲觀

仙翁上昇去丹井寄晴壑山色接天台湖光照寥廓玉洞絕無人老檜猶棲鶴我欲掣青蛇他時冲碧落

游溧陽霞泉寺限白字

地枕吳溪與越峯前朝恩錫靈泉額竹林晴見雁塔高石室幽棲幾禪伯荒碑字沒秋苔深古池香泛荷花白

客有經年說別林落日啼猿情脈脈

題茅山觀

常恨清風千載鬱洞天令得恣遊遨松楸古色玉壇靜鸞鶴不來青漢高茅氏井寒丹已化元宗碑斷夢仍勞分明有個長生路休向紅塵嘆二毛

登游齊山

星使南馳入楚重此山偏得駐行蹤落花滿地月華冷寂寞舊山三四峯

上舍人徐鉉

幾宵煙月鎖樓臺欲寄侯門薦下才滿面塵埃人不識



謾隨流水出山來

譚峭一作譚紫霄

峭字景升國子司業洙之子博涉經史屬文清  
麗洙訓以進士業而峭酷好黃老書辭父遠遊  
師嵩山道士得辟穀養氣之術後入青城山仙

去

十國春秋峭過金陵見齊印自出化書以授齊印齊印利其善書峭  
以酒醉累以革囊投之淵有漁人剖之峭睡正濃曰吾睡囊中得大休歌

大言詩

線作長江扇作天鞞鞵拋向海東邊蓬萊信道無多路  
只在譚生拄杖前

藍采和

采和不知何時人常衣破藍衫六銖黑木腰帶  
一脚著鞞一脚跣行夏則衫內加絮冬則卧於  
雪中氣出如蒸每行歌城市乞索拍大拍板踏  
歌似狂非狂歌詞極多率皆仙意以錢與之或  
散失亦不顧見貧人即與之多與酒家後踏歌  
於濠梁間酒樓乘醉輕舉雲中擲鞞衫腰帶拍  
板冉冉而去

踏歌

踏歌踏歌藍采和世界能幾何紅顏三春樹流年一擲  
梭古人混混去不返今人紛紛來更多朝騎鸞鳳到碧



落暮見桑田生白波長景明暉在空際金銀宮闕高嵯峨

元寂

寂號酒禿高駢族子

馬令書寂博極羣書後主名講華嚴梵行一品資金帛甚厚即日送酒家

日夜劇飲醉則從小鬼數十浩歌道云一日醉死石子岡

醉歌

酒禿酒禿何榮何辱但見衣冠成古邱不見江河變陵谷

若虛

若虛南唐僧隱廬山石室李主累徵不就

懷廬山舊隱

九疊嵯峨倚著天  
悔隨寒瀑下巖烟  
秋深猿鳥來心上  
夜靜松杉到眼前  
書架想遭苔蘚裏  
石窓應被薜蘿纏  
一枝筇竹游江北  
不見爐峯三十年

樂仙觀

樂氏騎龍上碧天  
東吳遺宅尚依然  
悟來大道無多事  
真後丹元不值錢  
老樹夜風蟲咬葉  
古垣春雨蘚生韆  
松傾鶴死桑田變  
華表歸鄉未有年

古鏡

軒后紅爐獨鑄成  
蘚痕磨落月輪沉  
萬般物象皆能鑿



全五代詩 卷三十九  
一個人心不可明匣內乍開鸞鳳活臺前高挂鬼神驚  
百年肝膽堪將比祇怕看頻素髮生

文益

文益餘杭魯氏子七歲依陸州僧全偉落髮窮  
儒典李璟延住報恩寺賜號淨慧禪師交泰元  
年坐化起塔號法眼禪師塔名無相後主命其

弟子行言為導師開法謚大智藏大導師

十國春秋木平

和尚知人禍福死生挂木瓶於杖頭能引瓶自蔽元宗不能見慶王尚幼元宗問壽命幾何木平書九十一字與之後慶王得年十九乃知其文益有詩云

觀木平和尚

木平山裏人貌古年復少相看陌路同論心秋月皎懷  
衲線非蠶助歌聲有鳥城關今日來一謳曾已曉

无則

无則五代時人為法眼文益禪師弟子

鷺鷥

白蘋紅蓼碧江涯日暖雙雙立睡時願揭金籠放歸去  
却隨沙鶴鬪輕絲

百舌鳥二首

千愁萬恨過花時似向春風怨別離若使衆禽俱解語  
一生懷抱有誰知

全五代詩

卷三十九

南唐

九



長截鄰鷄叫五更數般名字百般聲饒伊搖舌先知曉  
也待青天明即鳴

行因

行因居廬山佛手巖後主召居棲賢寺碎寒錄李氏詔行因

居棲賢寺一夕大雪逃歸推隱之廬山嘗煮茶延僧托岩龕立化作偈云云

偈

前朝詔住棲賢寺雪夜逃居岩石間想見煮茶延客處  
直緣生死不相關

謙光

謙光金陵人一號法眼五代史補謙光素有才辨李後主禮之宋太祖將問罪江南後主用

謀臣計欲抗王師法眼禪師謙光觀牡丹於大內因作偈諷之云云又見冷齋夜話

賞牡丹應教

擁袖對芳叢由来事不同鬢髮從今日白花似去年紅艷  
異隨朝露馨香逐曉風何須對零落然後始知空

南唐寺僧江南野錄李昇受禪之初忽半夜寺僧撞鐘一城皆驚召將斬之云夜來偶得月詩乃云李昇喜而釋之

月

徐徐東海出漸漸上天衢此夕一輪滿清光何處無

西山僧中山詩話洪州西山與滕王閣相對過客多留詩有僧語見之告師守曰詩無佳者何不去之守愕然曰能作佳句乎僧即隨口吟云云

西山

洪州太白方積翠倚宮蒼萬古遮新月半江無夕陽



陳玉蘭

寄夫王駕

夫戍邊關妾在吳西風吹妾妾憂夫一行書信千行淚  
寒到君邊衣到無

薛媛

薛媛濠梁人南楚材妻

寫真寄夫

云漢友議南楚材旅遊陳受穎牧之眷欲以女妻之楚材許諾因託言訪道不復返舊薛媛善畫妙屬文微知其意對鏡圖形為詩寄之楚材大慙遂歸借老里人為語嘲之云  
當時婦棄夫今日夫棄婦若不違丹青空房應獨守

欲下丹青筆先拈寶鏡寒已經顏索寞漸覺鬢凋殘淚  
眼描將易愁腸寫出難恐君渾忘却時展畫圖看

韓續姬

姬失名氏

全唐詩話南唐僕射韓續請韓熙載撰父神道碑奉一歌妓潤筆文成但叙譜系品秩續乞改竄熙載還其所贈姬因題詩泥金帶而去南唐近事嚴續相公歌妓唐鑑給事通犀帶皆一代尤物兩夜相府有呼盧之會唐適與焉嚴命出妓解帶較勝於一擲六嚴數巡唐采大勝唐乃酌酒命所出美人歌一曲以別相君宴罷拉而僧去嚴悵然遺之與此互異

贈別

風柳搖搖無定枝陽臺雲雨夢中歸他年蓬島音塵絕  
留取樽前舊舞衣

蓮花妓

妓豫章人

五代詩話陳陶隱南昌西山鎮師嚴字常遣妓侍陶陶不顧因求去獻詩云云

獻陳陶處士



蓮花為號玉為腮珍重尚書遣妾來處士不生巫峽夢  
虛勞神女下陽臺

徐月英

月英江淮間妓有集行世全唐詩話月英有句云燈前淚與階前雨隔箇意見滴到明

叙懷

為失三從泣淚頻此身何用處人倫雖然日逐笙歌樂  
長共荆釵與布裙

送人

惆悵人間萬事違兩人同去一人歸生憎平望亭前水  
忍照鴛鴦相背飛

江南文士

題董氏畫

宣和畫譜董氏江南人莫詳其世系以婦人而能丹青故當時搢紳家婦女往往求寫照焉有文士題董氏畫詩云云

林下才華雖可尚筆端人物更清妍如何不出深閨裏  
能以丹青寫外邊

南唐樂人

詩載桃軒雜記史稱曹彬下江南不妄殺一人然金陵有樂官山和傳城下之日軍營開宴南唐樂人數輩大慟奏不成曲怒而殺之聚埋此山有南唐樂人詩云云觀此何得稱不接殺耶

城破轅門宴賞頻伶倫執樂淚沾巾駢頭就死緣家國  
愧殺南歸結綬人

南唐漁者

全五代詩

卷五

南唐

十三



歌玉壺清話南唐元宗時一漁者持蓑笠綸竿擊短板唱漁家傲其舌為

鳴榔之聲以參之自號回同客人疑為呂洞賓音清悲如烟波間聽者

二月江南山水路李花零落春無主一箇鯉魚無着處

風兼雨玉龍生甲歸天去

木客

詩學圃憲蘇徐鉉帖鄱陽山中有木客秦時造阿房宮

酒盡君莫沽壺傾我當發城市多囂塵還山弄明月

無名氏

詩

江上檣竿一百尺山中樓臺十二重山僧樓上望江上

指點檣竿笑殺儂

仙人未必便仙去還在人間人不知手把白鬚從兩鹿

相逢却問姓名誰

後主煜鬼

亡後見形詩詩話魏公嘗五日忽有人來居刺謁曰前江南

得及此日某幼採釋氏未達誤有所見今為獅子國王偶

異國非巧志煩勞殊清閑驚濤千萬里無乃見鍾山

鍾輻妻

怨詩江南野錄鍾輻金陵才生氣豪體傲一老僧相之曰先輩壽則有

矣若及第則家亡記之輻大詩曰吾方擬高僧以起家何亡之有

全五代詩

卷三

南唐

十三



其宰故人亦醞藉士淹留久之一夕追涼縣樓痛飲而卧青箱侍之是夕  
夢其妻出一詩為示云云怨頗深輻夢中懷愧亦答一詩曰還吳東下過  
蒲城樓上清風酒半醒想到家春欲暮海棠千樹欲凋零既寤頗厭之  
因理歸裝將至采石青箱暴卒輻悼歎無奈匆忽葬於一新墳之側急  
圖到家則門巷空閒妻已亡數月其亡日乃夢於縣樓之夕也後數日親  
交其舟携輻致奠於葬所即青箱墓葬之側新墳乃是惟海棠數樹方葉  
凋萼謝正合詩中之句因補膺長慟曰信乎浮屠師及第家亡之告  
因不仕隱鍾山著書守道壽八十餘潘佑集有樊氏墓誌與此稍同

楚水平如練淮又雙白鳥飛金陵幾多地一去不言歸

耿玉真

詩南唐書盧絳病瘧夢白衣麗人贈詩一首云云又歌菩薩蠻詞以勸酒  
唯暗泣甚處砧聲急眉黛小山攢芭蕉生暮寒歌罷教以食蕉即愈  
果差又夢曰妾乃玉真也他日富貴相見於孟家坡後入宋臨刑有白衣  
婦人同斬宛如所夢問其姓名曰耿玉真其地則孟家坡也古今詩話眉  
黛遠山攢芭蕉生暮寒此詞人能道之而楊文公云獨自凭闌干衣襟生黃葉  
未知孰是

清風明月夜深時箕帚盧郎恨已遲他日孟家坡上約  
再來相見是佳期

田達誠借宅鬼

詩稗神錄廬陵有賈人田達誠富于財物頗以周給為務治第新成有夜  
叩門者就視無人如是再三因問之為人耶鬼耶良久答曰寔非人  
也此居龍泉舍為暴水所漂求寄君家治舍畢乃去耳達誠不許曰人豈可  
與鬼同居耶對曰暫寄居耳無害于君且以君義氣聞於鄉里故告耳達誠  
許之因曰當止我何所達誠曰惟有廳事耳達誠謝而去數日復來曰吾家已  
至廳中亦無妨君賓客然亦嚴整家中人慎火萬一不虞或當云吾等所為  
也達誠亦虛其聽以付之達誠嘗為詩鬼忽空中言曰君乃能詩耶吾亦嘗  
好之可唱和耳達誠即具酒置紙筆於前談論無所不至眾目視之酒與紙  
筆儼然不動試暫視則酒已盡字已著紙矣前後數十篇皆有意趣筆亦  
勁健作柳體或問其姓字曰吾倘言之將不益於主人可詩以寄言也乃賦  
詩云眾皆不喻一日復告曰吾有少子婚樟樹神女以其日成禮復欲借居  
後堂三日以終君大惠可乎達誠亦慮其堂以暮帷之三日復謝曰吾事訖矣  
還君此堂主人之恩可謂至矣然君家老婢某可答一百也達誠愛謝即召婢答  
數下鬼曰使之知過可止矣達誠徐問其婢云曾六幕竊視見賓客男女厨膳



花燭與人間不殊後歲餘乃辭謝而去達誠以事至廣陵久之不歸其家莫之鬼復至曰君家憂主人耶吾將省之翌日乃還日王正在揚州無恙行當歸之新納一妾與同寢吾燒其帳後幅以戲之耳大笑而去達誠歸問其事皆同後至龍泉訪其居亦竟不獲

天然與我亦靈通還與人間事不同要識吾家真姓氏  
大字南頭一段紅

天祐中江南童謡

五代史補李昇本為徐溫兩養為左僕射知政事代徐知以徐溫卒江南遂為昇有先是童謡云東海鯉魚飛上天東海即徐之望也李者鯉也蓋昇自溫家起而為君耳又十國春秋武義元年又有童謡云云知詰本姓李後應此謡

江北楊花作雪飛江南李樹玉團枝李花結子可憐在  
不似楊花無了期

真人謡

全唐詩唐末民間有此謡元宗因名其子為宏冀以應之

有一真人在冀川開口持弓向外邊子子孫孫萬萬年

後主時童謡

南唐近事解此謡云娘謂後主再聚周后猶狗死謂祚盡成亥年赤痕目病貓有目病則不能捕鼠謂不見丙子之也

索得娘來忘却家後園桃李不生花  
豬兒狗兒都死盡  
養得貓兒患赤痕

昇元殿基下石記

全唐詩話其後李煜降於宋好事者云煜以丁酉年生辛酉年襲位即雞也開寶八年甲戌江南國滅是跨犬也時曹彬為大將別柵城南潘美為副將城陷恐有伏兵命卒縱火子建楸也安仁美也東鄰謂錢俶也以戊寅年入朝盡獻浙西土地人民故末二句云云末二句一作東鄰家道關隨虎遇明興識者云家道開無錢

莫問江南事江南事可憑抱鷄升寶位跨犬出金陵子  
建司南位安仁東夜燈東鄰嬌小女騎虎渡河水

江州風墜詩

全唐詩話南唐胡則守江州宋師攻之堅壁不下忽有旋風吹片紙墜城中云云後城陷果屠戮殆盡先是有錢



處士不知何許人天祐末嘗遊江淮言李氏之作云髣髴之間一倍楊楊氏自稱尊至禪代二十年李氏三十九年果應

由來秉節世無雙  
獨守孤城死不降  
何似知機早回首  
免教流血滿長江

廣陵古冢石刻

全唐詩南唐保大中廣陵理城隍因及古冢得此

日為箭兮月為弓  
四時躬人兮無窮  
但得天將明月死  
不覺人隨流水空  
山川秀兮碧宮窿  
崇夫人墓兮直其中  
援啼鳥嘯烟濛濛  
千年萬年松栢風

硯滴銘

研北雜志李仲芳家行南唐金銅磨蝕硯滴重厚奇古腹一有篆銘云云

捨月窟

左足

伏棊几

右足

為我用

左後

貯清泚

右後

端溪石澄心

紙領下左

各三字

陳元氏毛錐子

腹兩旁各三字

同列無譁聽驅使  
微吾潤

澤烏用汝

腹下兩旁各七字

夢中語

南唐魯崇範其妻先許聘數人皆死後夢人得語云此是汝天果嫁於魯也

田頭有鹿跡  
田尾著日泉

澄空徒贊

澄空臨川郭氏五代時人俗名居適年十四入嵩嶽削髮為僧謁洞山休遂悟道嘗自寫半身影其徒贊之云云

日出連山月圓當戶  
不是無身不欲全

江西通志



三三作詩

卷五

日北

遊室



田家雜日第

...

...







卷之三  
詩  
卷之三



